

सानसेयारि "बड'सा" खौरांलाइयाव समाजयारि जिउजो लोब्या थानाय रायथाय, खन्थाय, सल, सल'बाथा आरो दावबायारि थावनि, पार्क बाइदिनि सायाव लिउनाय लिउबिदो दैथाय हर। सानसेयारि "बड'सा" खौरांलाइया सेवखानाबे फोसावगोन।

बड'सायाव लिउहरनायनि ह दा खालाम, "बड'सा" खो नैथ्या, जो वयवो ओगो खालाम।

सानसेयारि बड'सा मावखुलि

माइबं नोगार, जोहोलाव दैमालु लामा

कक्राझार, बिदोस-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Sunday ★ 20 June, 2021 Kokrajhar, BTC, Assam ★ Vol.- 31, Issue No. 85 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गिबि मन्थिआ तिनिशुकिया जिल्लानि कभिड-19 थासारि आरो दै बानानि साखा-फारा जानायनि सायाव मेल जथुमदो

गोबाव सम बन्द जानानै थानायनि उनाव श्रीरामपुर गेटआव बेखेवफिनसिगोन लिउथाय सुग्रा



बिउआरआव गोदान सरकार दाफुनाय लोगो लोगो 31 नं राजा लामायाव थानाय श्रीरामपुर चेक गेटआव फिन लिउथाय सुग्रा गेटखौ बेखेवफिननो थाखाय थियारि खालामदो। बे थाखथियारि खालामनाय हाबाफारिखौ खौरां लानो थाखाय दिने कक्राझार जिल्ला बेंगिरि मेगनिधो दाहाल, स्टे (□ 5 बिलाइआव)

गसाइगाव, 19 जुन: सा-सान्जा भारतनि हाबग्रा दरखं थामहिनाबा आसाम-सोनाब बंग राइज्योनि सिमना श्रीरामपुरआव थांनय माखासे बोसोर सिगांनिफ्रायनो राजखान्थियारि

थासारि एबा सरकारनि दिदोमथि नडैनि जाहोनाव श्रीरामपुर गेट चेकखौ बन्द खालामनानै दोन्याय जादोमोन। नाथाय आसाम आरो

कक्राझारआव एबसु आरो बर' आइजो जथाय आफादआ अभयाकुति जाथायनि हेंथायै बेरेखा दिन्थिफुदो

कक्राझार, 19 जुन: थांनय 11 जुनखालि कक्राझार सहरनि 15 कि.मि: खोला फासं थानाय अभयाकुति गामियाव रबिता रभा आरो समायना रभा मुनि सानै (□ 5 बिलाइआव)

कसुगाव हाग्रा ओन्सोलनिफ्राय मैदेर हाथायजो लोगोसे सासे सुबुंखौ खादो



गसाइगाव, 19 जुन: थांनय 5 जुन मुलुगनं आबहावा सानखालि आसाम सरकारआ कसुगाव ओन्सोलनि राइमना हाग्रा ओन्सोलखौ आसामनि 6 थि माहारियारि हाग्रामा एबा नेसनेल पार्क महेर फोसावनायनि उनाव हाग्रा बिफानआ राइमना हाग्रा ओन्सोलाव आइन बेरेखायै बिफां दानफायनाय, (□ 5 बिलाइआव)

दिसपुर, 19 जुन: गिबि मन्थि ङ हिमन्त बिश्व शर्माया गावनि खर'सा आसाम दावबायहैनाय समाव तिनिशुकिया जिल्लानि सोलिफु कभिड-19 थासारि आरो देग्लायनि दैबानानि थाखाय जिल्ला खुं थाया थाखथियारि जानायनि सायाव खौरां लादो। तिनिशुकिया जिल्लानि जिल्ला बेंगिरिनि मावखुलिनि सावराय नब्बाडव मोनसे मेल जथुमनायनि गेजेरजो जिल्लानि सोलिफु



कभिड-19 थासारि आरो जानाय आयदाखौ लानानै गिबि मन्थि शर्माया जिल्ला बेंगिरि

बिबानगिरिफोरजो गुवारै सावरायलायो। जिल्लानि गासै थासारिखौ मिबथिग्रोनायनि उनाव गिबि मन्थि आ तिनिशुकिया जिल्लानि दै बाना सोमजिग्रा एबा गोहोम गोलैग्रा (□ 5 बिलाइआव)

कक्राझारआव एबसु आरो बर' आइजो जथाय आफादआ अभयाकुति जाथायनि हेंथायै बेरेखा दिन्थिफुदो

कक्राझार, 19 जुन: थांनय 11 जुनखालि कक्राझार सहरनि 15 कि.मि: खोला फासं थानाय अभयाकुति गामियाव रबिता रभा आरो समायना रभा मुनि सानै (□ 5 बिलाइआव)

राइज्यो बेंगिरिआ मिलका सिनि रुंसारि जानायखौ दुखु फोरमायदो

गुवाहाटी, 19 जुन: आसामनि राइज्यो बेंगिरि प्रफेसार जगदिश मुखिआ हादरनि सासे गेदेमा एथलिट(खारग्रा) मिलका सिनि रुंसारि जानायखौ दुखु फोरमायदो। राइज्यो बेंगिरि मुखिआ गावनि दुखु फोरमायथि (□ 5 बिलाइआव)

बिजनी सहरआव 1000 बिफां फुलि गायदो



बिजनी, 19 जुन: चिरां जिल्लानि बिजनी महकुमा खुंथायनि बान्जायनायाव 156 थि बेटेलियनि सिआरपिएफ आरो

मोनब्रै एनजिअ फारियै ससाइटि एन्ड स्टुडेन्ट डेभेल्पमेन्ट फाउन्डेसन, रबिनहुड आर्मि बिजनी, जकार्स आरो एसएसडिएफनि हेफाजाबजो बिजनी महकुमा बेंगिरिनि (□ 5 बिलाइआव)

दान मोनब्रैनि उनावबो ठेकियाजुलि बालि गामिनि बुथारजानाय जिलि रभा आरो करबि राभानि दिनैसिम बिसार गैया



ठेकियाजुलि, 19 जुन: सोलिफु बोसोरनि थांनय 20 फेब्रुवारीखालि सनितपुर जिल्लानि ठेकियाजुलि हालामनि सपाइ बालि गामिनि थागिबि 50 बोसोर बैसोनि आइजो जिलि रभाखौ गोबो हाथियारजो दानख्ताब-सुख्ताब जिउ फोजोबनायजो लोगोसे बनि 11 बोसोर बैसोनि फिसाजो करबि राभाखौ दैखारना लानानै जिनाहारि खालामनानै बुथारनाय आरो (□ 5 बिलाइआव)

कक्राझारनि अभयाकुति जाथायाव जिउ गोमानाय सानै हिन्जावसानि थार बिजिरनाय नागिरनानै बिजनी दख 'रा एबसुआ सोमावसारदो



बिजनी, 19 जुन: कक्राझार 11 जुनखालि रबिता रभा आरो जिल्लानि सिडाव थानाय समायना रभा मुनि सानै अभयाकुति गामियाव थांनय हिन्जावसाफोरखौ जिनाहारि

खालामनानै खास्त्रि-बिस्त्रियै बुथारना फांसे बिफाडाववो दोलें आलायना दोन्याय जाथाया दुलाराय राइज्यो-नाडैनो खुद्रिखानाय थासारि सोमजिहोदो। आसामनि गिबि मन्थि ङ हिमन्त बिश्व शर्माया (□ 5 बिलाइआव)

सालबारियाव एबसुआ फरायसालिफोरार साखोन-सिखोन खालामनाय हाबाफारि खुदो

भवानिपुर, 19 जुन: एबसुनि गुन गोनां सोलौंथाइ मावथाखिनि मोनसे बाहागो महेर थांनय शुक्रबारखालि सालबारि दखरा कमिटिनि बान्जायनायाव सालबारि महकुमा सदराव सोलौंथाइ फसंथानफोराव साखोन-सिखोन (□ 5 बिलाइआव)



भवानिपुर, 19 जुन: कक्राझार जिल्लानि अभयाकुतियाव सानै उन्दै बैसोनि हिन्जावसाफोरखौ जिनाहारि खालामनानै बुथारनाय जाथायखौ लानानै दिनै सालबारि महकुमा सदराव एबसुनि बाक्सा (□ 5 बिलाइआव)

चिरां जिल्ला खुंथाया कभिड भेक्सिन होनायनि थाखाय आबुडै साखा-फारा

काजलगाव, 19 जुन: खुंथाया जिल्लानि सिडाव आसामनि गिबि मन्थिनि बिथोन होनाय बादियै चिरां जिल्ला सुबुंफोरनो भेक्सिन होनायनि थाखाय आबुडै साखा-फारा (□ 5 बिलाइआव)

शभलिन हेमलियेन्ट

गोजो आरो समायना विगुरिनि थाखाय

फैगौ 21 जुननिफ्राय राज्यो नाडैनो कभिड-19नि भेक्सिन थुनाय हाबाफारिखौ गोखोसिन खालामगोन

जिल्लाफोरनि दिथागिरि मन्थि आरो बिसोरनि सेक्रेटारिफोरा गाव गावनि जिल्लाफोराव बे हाबाफारिखौ नायबिजिरगोन

दिसपुर, 19 जुन: गिबि मन्थि ङ हिमन्त बिश्व शर्माया फैगौ 21 जुननिफ्राय दुलाराय राज्यो नाडैनो जागायजेननो गोनां सोमोन्दै राज्योनि गासैबो भेक्सिन थुनाय हाबाफारिखौ जिल्ला बेंगिरि, पुलिस जिल्ला बेंगिरि, पुलिस गोखोसिन खालामनायनि (□ 5 बिलाइआव)

NERIM GROUP OF INSTITUTIONS
Affiliated to Dibrugarh University, Gauhati University & ASTU
Approved by NCTE, BCI & AICTE, MoE, Govt. of India

ADMISSION NOTICE : 2021-22

Admissions open for the following courses. Admission shall be made as per prescribed provisions of the concerned Universities.

NERIM School of Management	MBA (Full Time) MBA (3-yr Part Time)	BBA (Full Time) PGDM (2-Yr Under AIMA)
Working Personnel may avail MBA Part Time course. Classes for MBA (Part Time) are scheduled on Saturday & Sunday only.		
NERIM School of Computer Science	MCA (2 Year) PGDCA (Full Time)	M.Sc. (Computer Science) BCA (Full Time)
NERIM Commerce College	M.Com (Full Time)	B.Com(H) (Full Time)
NERIM Law College	LLM (Full Time)	BALLB(H) (5-yr integrated) LLB(H) (Full Time)
NERIM School of Social Science	MSW (Full Time)	BSW (Full Time) MA (Appl. Psychology) (Full Time)

Prof. (Dr) Sangeeta Tripathi, Director, NERIM Group of Institutions
Padma Nath Samah Bhawan, Jayanagar, Khanapara, Guwahati - 781022
Phone : 0361-2234999 / 9864750000 / 9954190758 / 9954051419
www.nerimindia.org | nerimindia@gmail.com

सुजुगिरिनि खोलोम

नाजाथाबनायजोंसो मोजां फिथाय मोन्नो हायो

गावबा गवनि आबाद मावनायनि फिथाय मोजां जानायखौ साफ्रोमबो आबादयारिफोरानो लुबैयो। आबादया दैज्जानि माइ आबादयानो जाथौ एबा मेसेंनि मैंग-थाइगनिफ्राय लानाने बेसर, सबाय-सिबिं बाइदि सिनायानो जाथौ। आबादनि फसल फिथाइया गोगो-मोजां जानायखौ हास्थायो। गात्रि, गुला जानायखौ बयबो लुबैयो। देहानि गोगोमदै गसर होनाने सान्दु-अखा देहा लामनाने मावनाय आबाद फिथायखौ जेरे आबादयारिफोरा गोगो मोजां जानायखौ हास्थायो बिब्दिनो साफ्रोमबो फरायसाफोरानो बोसोरनाडे ध्यानयाव जथाबनाने फरायनाय, नाजानायनि आन्जाद फिथायखौ मोजां जानायखौ हास्थायो। आबादफोरा मोजां जायाब्ला एम्फो अरनाने रोमोलाडेब्ला आबादयारिया दुखु जाखगोन। फरायसाफोरबो बे रोखोमैनु दुखु जागोन। आबाद फसल फिथाइ आरे आन्जादनि फिथाइखौ मोजां खालामनो दिहुन्नो आबादयारि आरे फरायसाफोर गोग्राव नाजानानेसो मोन्नो हायो।

आथिखालनि समाव आबादयारिफोरा बायदिसिना आदोब-राहा बाहायनाने एसेल' समनि गेजेराव गोगो आरे गोबांथार फिथाइ दिहुन्नाने जाफुसारनो हानायजों लोगोसे सुबुंफोरनि गोनांथि जानायनि चाहिदा सुफुनाय आरे रांखावरि आर्जिनाय बादि गोबांथार मुलाम्फा मोन्नो हायो। आबादयारिनि बे मुलाम्फाया खालि गवनि थाखायल' जाहैया बेनि गेजेरजों सुबुंफोरनि गोनांथि जानायखौ सुफुनाने होनायजों लोगोसे आबाद मावनाय-दिखानायनि गेजेरजों गुबुन आबादयारिफोरानो थुलुंगा आरे खामानि होनाय आरे गवनि नख'र सामलायनायाव हुंखा होनाय बायदिफोरानो मुलाम्फा गोनां। सासे फरायसानि मोजां फिथाय लानाने जाफुसारनायाबो बिनि जिउ दानाय, गुबुननो थुलुंगा होनाय आरे समाज, हादतयाव सोलौंथाय थाखो गुन फोजौखानायजों लोगोसे मेगन गुनु जौखोन्दो बांहोनायावबो मदत होयो। सुबुं सम्पद दाफुनाय बेखौ जौगा मान दान्दानि खालामनाय आरे बयनिबो थाखाय सोलौंथाय मोनहोनायनि फारसें खुंथायनिफ्राय बाइदिसिना राहाफारि आजावनाय जायो।

बावसें फोसावनाय मेट्रिक आरे हायार सेकेन्डारि जोबथा आन्जाद फिथाइयाव बर' बिजौनि थाखाय गुबुन बोसोरफोरनि रुजनायाव सोलायसिनाय फेदौब्लाबो मोन्नोबो आन्जादनि फिथाइयाव सिगां सारिनि जिथि मासियाव जायगा मोनाखिसै। अब्लाबो नाजानाया सोलिगासिनो थानायलाय मान दान्दा जौगानायावबो गुस्लायनाय सौफेदौ। इयुनाव गिबि जिथि मासि आवगिनायनि साखा-फाराखौ फरायसाफोरा गिबि जिथि मासि आवगिनाय फरायसाफोरनि नाजानाय बादिनो नाजानायनि साखा-फारा जायोब्ला इयुनाव जाफुसारै फेनाय नडा होनाने बुंनो हायो।

दिनेनि फानजामुधि

राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: मुवा गोमानायखौ मोनफिनो हागोन। गोसोखौ गोजोन मोनगोन। मोजां सान।

बृष: नख'रआव गोजोन्नानयनि बार बारगोन। नख'र जौगानाय फेगोन।

मिथुन: जानाय-लौनायाव सांग्रां जानाने थानांगोन। उदे सानाय सिखानो हागौ।

कर्कट: मानिबा जिगा सिनांनो हागौ। गोसोखौ शान्ति मोन्नाय नडा।

सिंह: देहा सावस्त्रिआ जौगाखांगोन। बायदिसिना जानानायनिफ्राय बारग'नो हागोन। गोजोन मोनगोन।

कन्या: जानायव जेना सोमजिनो हागौ। जेखियानो जाया सांग्राडे थानांगोन।

तुला: जेखि मावा जौगानाय फेगोन। गोजोनै नख'र दालांनो हागोन। मोजां सम।

वृश्चिक: सोरजौबाफोर बायदिसिना होनाने निन्दा होजाबायनो हागौ। गोसोखौ गात्रि'मोनखानो हागौ।

गोसोखौ हमथा। धनु: जेना-जेसि गैये शान्तिगै थानो हागोन। फारफ्रोमबो

मोजां। मकर: गोबाव समनि उनाव लोगोखौ मोन्नो हागोन। गोजोन्नानयजों समखौ बारहोनो हागोन।

कुम्भ: माखौबा लानाने दावराव-दावसिफोर जाफ्लांबायनो हागौ। गोसोखौ हमथानाने थानांगोन।

मीन: मावेबा जाहोनखौ लानाने नख'रआव नालायनाय जानो हागौ। गोसो हमथानाने थानाया गाहाम।

गोख्रों गेलेगिरि मिलखा सिंनि रुंसारि जानायाव गाहाय मन्थि मदिजों लोगोसे गोबां दैदेनगिरिफोरा दुखु मोन्नाय फोरमायदों

गोदान दिल्ली, 19 जुन: भारतनि सासे राफोद खारनाय गेलेगिरि मिलखा सिंआ शक्रुबारनि मोनायाव जोबथा हां लायो। बियो 91 बोसोर बैसो जाबायमोन आरे करना भाइरास इनफेक्सन सन्देरनाने थानाय माखासे साननिफ्रायनो चन्डीगड़नि पिजिआइ एम इ आरआव फाहामथाय लागसिनो दंमोन। बिनि रुंसारि जानायाव गाहाय मन्थि नरेन्द्र मदि आरे नख'र मन्थि अमित शाहजों लोगोसे गोबां मिरुनि मन्थिफोर आरे गिबि मन्थिफोरा दुखु मोन्नाय फोरमायदों। गिबियै मिलखा सिंखौ 20 मे खालि करना भाइरास पजिटिभ मोन्दोमोन। बेनि उनाव बिखौ गंसे गावआरि फाहामसालियाव



अन्जालि बिसि निर्मला मिलखा सिंआ गंसे गावआरि देहा फाहामसालियाव करना भाइरास इनफेक्सन जानाने जिउ गोमादोंमोन। निर्मल सिंआबो सासे हारिमायारि थाखोनि गेलेगिरिमोन। मिलखा सिंनि नख'रनिफ्राय फिन होनाने

पट'खौ दुइटारआव शोयार खालामदों, लोगोसे बुंदौदि, श्री मिलखा सिंजीनि रुंसारि जानायजों जों सासे गोख्रों गेलेगिरिखौ खोमानांबाय। बिनि थुलुंगाखांथाव मावनायफोरा गोबां सुबुंफोरखौ थुलुंगाखां होदों।

नख'र मन्थि अमित शाहआ बुडौदि, बिथांखौ हादतआ अराय भारतीय गेलेगिरिफोरनि सासे गोख्रों गेलेगिरि महरै गोसोयाव लाखिनाय जागोन। शाहआ शक्रु बारनि मोनायावनो दुइटारआव बुडौदि, भारतनि सासे गोख्रों खारनाय गेलेगिरि श्री मिलखा सिंजीनि रुंसारि जानायाव गोथौ दुखु मोन्नाय फोरमायो। बिथाडा मुलुगनां एथलेटिक्सआव मोनसे नेसौनखौ गालांबाय। हादतआ बिथांखौ अराय भारतीय गेलेगिरिफोरनि बयनिखुइबो जौखोलसिन स्टरफोरनि सासे महरै गोसोखांगोन। मिलखाजों लानाय गवनि फट'खौबो शाहआ दुइटाराव शोयार खालामदों। मिरुनि रेल मन्थि पियुष गयलआबो दुइटारनि लिरदौदि, मुलुगआव हादतनि गोरखौ बांहोनाय फ्लाईंग सिख #Milkasingh जीनि रुंसारि जानाया मोनसे सुफुख' हायै ख'हा। बियो कौटि-कौटि

चीननि जौसिन थाखोनि गुन्द्रासा बिगियानिकआ रहिस्य गोनां थासारियाव गंसे बिल्डिनिफ्राय गोग्लैनानै थैबाय

बेइजिं, 19 जुन: चीननि जौसिन थाखोनि गुन्द्रासा बिगियानिकारिफोरनि गेजेराव सासे आरे हार्बिन इन्जीनियारि मुलुग सोलौंसालिनि लेडाइ आफादगिरिआ रहिस्य गोनां थासारियाव गंसे बिल्डिनिफ्राय गोग्लैनानै थैबाय। अदेबानि चाइनीज निउक्लियार ससाइटिनि लेडाइ आफादगिरि झां जिजिपानआखौ थानाय बृहस्पतिबारखालि थैनाय थासारियाव मोन्नाय जादों। साउथ चाइना र्मिनि पस्ट (एसएसिएमपि) आ फोरमायनाय बायदिव्ला, पुलिसआ जाथाय जानाय जायगायाव नायबिजिरबाय।

नेभनेल निउक्लियार कपेरेशननि गेजेरजों चीननि गुन्द्रासा हाबाफारिनि मुडाव कियान सेनकियां प्रोदर्यागिकि बान्थाजों मान बाउदोंमोन। थानाय मे दानावबो बिथांनो गोदान दिहुन्नानयनि थाखाय मिरु सरकारा माहारियारि बान्था होदोंमोन। बिथां थैनायनि सानै सिगां मुलुग सोलौंसालिया कलेज अफ आन्डावाटार एकप्रिस्टक इन्जिनियारिनि आगुनि डीनआव 41 बोसोर बैसोनि फिन जिबेइखौ सासे गोदान लेडाइ आफादगिरि सायख'दोंमोन। बे मुलुग सोलौंसालिया चीननि बै गंसे मुलुग सोलौंसालिफोरनि

आमेरिकाया 150 साननि गेजेराव भेक्सिन 30 कौटि ड्रप थुबाय

वासिंटन, 19 जुन : आमेरिकानि हादतगिरि ज' बाइडेनअ फोसावयोदि, आमेरिकाया सुबुंफोरानो 150 साननि गेजेराव करना भेक्सिन 30 कौटि ड्रपखौ थुबांबाय। हादतआव 4 जुलाईसिमाव 70 जौखोन्दो बैसोगोराफोरखौ मोन्से ड्रप थुनायनि थांखि लादों। दासिमाव 65 कौटि सुबुंफोरनो खमैब्लाबो मोनसे ड्रप थुनाय जाबाय। आमेरिकानि हादतगिरिआ बुंनाय बायदिव्ला, जेव्हा बियो गवनि बिबानखौ सामलायो अब्ला हादतआ खैफोदाव दड्मोन। आथिखालाव भाइरासनि गोहोमा बाडाइ जालांबाय आरे जौनि रांखान्थि बेबस्थया साखियाव जौगाखानाया थानाय रेकडैखौ सिफायो। बेयो गासै दानब्रेनि गेजेरावनो जादों। बेनि गेजेरजों हादतगिरिया दासिमाव टिका थुजायै सुबुंफोरखौ भाइरासनि गोदान स्ट्रेनिफ्राय रैखा खालामनो थाखाय थाबैने टिका थुजानो खावलायदों। हवाइट हाउसआव मोनसे बिबुंथि होनाय समाव बाइडेनआ बुडौदि, गोसोखां 150 साननि सिगां मा थासारि मोन। जौनियाय गासै आमेरिकानि थागिबिफोरनि थाखाय थोजासे

राइज्योफोर आरे मिरुजों खुंजानाय राइज्योफोरनाव दासिमबो 2.87 कौटिनिफ्राय बांसिन ड्रपनि भेक्सिन

गोदान दिल्ली, 19 जुन: भेक्सिन थुनायखौ लानाने मिरु सरकार गोदान खौरं फोसावदों। मिरुयारि सावस्त्रि बिफानआ शनिबारखालि बुंनाय बायदिव्ला, दासिमबो राइज्यो आरे मिरुजों खुंजानाय राइज्योफोरनाव 2.87 कौटिनिफ्राय बांसिन कभिड 19 नि टिका दड्। लोगोसे फेगौ सानथामनि गेजेराव 52.26 लाखनिखुइ बांसिन ड्रप होनायनि खौरां होदों। बिफानआ फोरमायनाय बायदिव्ला, दासिमाव राइज्यो आरे मिरुजों खुंजानाय राइज्योफोरनिफ्राय दड् आरे सानथामनि गेजेराव राइज्योफोय मोनबावगोन। मख'नो गोनांदि,



थानाय 2019 जोबनायाव चीननि वुहाननिफ्राय ऑखारनाय करना भाइरास इनफेक्सनआ दानै-दानथामनि गेजेरावनो मुलुगनाडे सिलिंखार खालामनायखौ जागायदोंमोन। बेखौ हुआ 2020 नि 11 मार्चआव महामारि फोसावदोंमोन।

बैसो गोरा खैदीखौ चैनजों खानायाव एनएइसआरसि इउपि सरकारनो नटिस दैथाय हरदो

गोदान दिल्ली, 19 जुन: माहारियारि सुबुंमोन्थाय आयग (एनएइसआरसि) आ इयवानि देहा फाहामसालियाव फाहामथाय होनाय समाव बेडआव 92 बोसोर बैसोनि सासे केदीखौ चैनजों खानाने दोन्नायनि सायाव उत्तर प्रदेश सरकारनो नटिस फोसावो। आयगआ राइज्यो सरकारखौ बे केसनि सोमोन्दे 6 सप्ताहनि गेजेराव फिन्नाय होनो थिनो। बुथारनायनि दायनिगिरि महरै फोरमान जानाय बाबुराम बलराम सिंनि मोनसे सावगारिया थानाय दानाव इन्टरनेट मिडियाआव भाइरल जादोंमोन। जेराव बिखौ देहा फाहामसालिनि बेडआव खुगायाव अक्सिजेन मास्क गानाय आरे आथिडव लहानि जिन्त्र गानाय नुनो मोन्दोंमोन। इयवा जेलनि सासे बिबानगिरिखौ बे केसाव सास्पेट खालामखांबाय। बेनि सोमोन्दे एनएइसआरसिआ मोनसे बिबुंथि फोसावनायै बुडौदि, 90 बोसोरनिखुइ बांसिन बैसोनि सासे सुबुंखौ जेलाव लाखिनाया फोरमायोदि, राइज्योनि साजा नायबिजिरा बर्डआ खामानि गैला। बिथाडा बुंबावदों एनएइसआरसिआ बे केसखौ गोथौबै सान्ना नायदों। बे केसनि सोमोन्दे माहारियारि सुबुं मोन्थाय आयगआ उत्तर प्रदेशनि गाहाय सेक्रेटारिआव 6 सप्ताहनि गेजेराव रिपट बिहरो। उत्तर प्रदेश सरकार बे रिपटआव फोरमायनांगोनि, साजा नायबिजिरा बर्डनि थानाय जथुम्माया मब्ला खालामदोंमोन आरे बिसोरनाव दासिमाव बेसेबां केसा थानाने दड्। लोगोसे थानाय 2019 आरे 2020 आव बेसेबां साजाफोरखौ फिन्नाय होखो। एनएइसआरसिआ उत्तर प्रदेश सरकारनि गाहाय सेक्रेटारिनो दैथाय हरनाय गावसोरनि रिपटआव जेलाव साजाखौ फालिनो थाखाय केदिफोरनि सुबुंथि मोन्थायफोरखौबो रैखाथियै लाखिनांगोन।

भेक्सिन शिपमेन्टनि थाखाय भारत सरकार, एस्ट्रजेनेका आरे सिरमजों बाथा सावरायनो नाजादों डालिउएइचअआ



इउएन, 19 जुन : डालिउ एइचअआ बुंदों, करना भेक्सिननि शिपमेन्टखौ फिन जागायनो थाखाय भारत आरे एस्ट्रजेनेका सिरमजों लोगोसे सावरायलायनो नाजादों। इउएन देहा एजेन्सिनि सासे गागि बिबानगिरिआ बुंदों, डालिउएइचअ थाबैनो एस्ट्रजेनेका, सिराम इनस्टिटुट अफ इन्डिया (सिआइआइ) जों लोगोसे भारत सरकारजोंबो हाबाफारि मावनो नाजादों। जाहाथे बे हादतफोरनि थाखाय करना भेक्सिननि शिपमेन्टखौ फिन जागायनो हायो, जायफोरा भेक्सिनआ खम जानायनि जाहोनाव भेक्सिननि नैथि ड्रपखौ थुजानो मोनाखै। डालिउएइचअनि बिथानगिरिया मोनसे मोगा मोगिआव बुंदों, माखासे हादतफोरव भेक्सिननि नैथि ड्रपखौ थुजानो मोनाखै। बियो बुदों थाबैनो एस्ट्रजेनेकाजों लोगोसे सौरम इनस्टिटुट अफ इन्डियाआ भारत सरकारजों लोगोसे हाबाफारि मावनो नाजागोन जाहाथे बै शिपमेन्टखौ फिन जागायनो हायो, जायजों सुबुंफोरा भेक्सिननि नैथि ड्रपखौ मोन्नो हायो। उप साहारा आफ्रिका, लेटिन आमेरिका, गेजेर सान्जा आरे खोला एसियाआव करना भाइरासआ गोबां गोहोम खोखलैदों।

जर 'खा यगा गुरु बिकेएस अयंगारखौ गोसोखानानै

गोदान दिल्ली, 19 जुन : भारतनि यगा गुरुफोरनि गेजेराव बेल्लुर कृष्ण माचारी सुन्दरराजा अयंगरनि मुखबो गोजी जायगा मोनो हादो। बियो हादत आरो मुलुग नाडैबिकेएस अयंगार मुंजो मुंदाखा। बिथाडनो 'अयंगार यग खौ गायसो आरो यगानि वे हुदाखौ मुलुग नाडै मुंदाखा खालामनाय थांनाय 2002 माइथायाव भारत सरकार बिथानो साहित्य आरो सोलौंथाइ बिथिखव खामानि माननायनि थाखाय पद्मभुषणजो मानबावयो। बेनि उनाव थांनाय 2014 याव पद्मविभुषणजो सम्मान बावदोमोन। टाइम खौंआ थांनाय 2004 आव मुलुगनि बयनिखुइ गोहो गोरफोरनो सा 100 सुबुंफोरनि फारिलाइयाव बिनि मुंखौ सोफादोमोन। अयंगारआ जाय मुंदाखा सुबुंफोरखौ यगा फोरेंदो, बिसोरनि गेजेराव जिदु कृष्णामुति, जयप्रकास नारायण, इहुदी मेनुहिन बायदिनि मुख दफायो। बिथाड गुबुन गुबुन हादतफोरव गावनि आफादनि 100 निखुइ बांसिन दालाइफोरखौ गायसन्दो। इउर 'पिय हादतफोरा यगाखौ गोसारहोनायाव बिनि



गोबां आखाय दं।

बिथाड थांनाय 1918 आव अयंगारआ कर्नाटकनि बेल्लुरयाव जोनोम जादोमोन। 1937 माइथायाव बियो महारास्ट्रनि पुणे सहराव थोडो। बियो यगाखौ फोसावनायनि उनाव 1975 आव यगा बिद्या मुंजो गावनि आफादखौ जागयो, बेनि उनावो बियो हादत आरो गुबुन हादतफोराव माखासे दालायफोर खुलियो। बिथाड यगानि सायाव गांथाम बिजाव 'लाइट अन यगा', लाइट अन प्राणायम' आरो लाइट अन यगा सुत्र अफ पतंजलि 'खौ लिदो।

लाइट अफ यगा 'आ दासिमाव मोन 18 था रावफोराव दानस्लायजा खांबाय। बिथाड यगानि गिबि सोलौंथायखौ गावनि गुरु श्री तीरुमतार कृष्णामाचर्यनिप्रय मोनदोमोन। यगानि सोलौंथाय मोनायनि उनाव बिथाड यगाखौ एसेबां

मोजां मोनबाय दि, बेयो बे गियानखौ बयनोबो रानानै होनो गोसो जादोमोन। बे सानायखौ जाफुं होनो थाखाय बिथाड भारतजो लोगोसे लन्डन, पेरिस, सुइजारेन्ड बायदि हादतफोराव दावबायनानै यगाखौ फोसावयो।

मुलुगआव गासै 7.56 कौटि नख 'रारि हाबाफारि मावग्राफोर दड

गोदान दिल्ली, 19 जुन : गोवलैनायनि फारसे बांसिन खौ फोद गोनां जादोमोन। फोसावजायै रांखान्थि बेबस्थायाव इनफेक्सनआ 6 कौटिनिफ्राय बांसिन नख 'रारि हाबाफारि मावग्राफोरनाव गोहोम गोखौदो। मुलुगआव 36 जौखोन्दो हाबाफारि मावग्राफोर दासिमबो आबुडे लेबार आयेननि बेंखान्थयनिफ्राय बायजोयाव दड। जरखा महरै एशिया, पेरिसफिक आरो आरब हादतफोरव थासारिया बांसिन गात्रि जादो। फारसेथिं जाय हादतफोरव नख 'रारि हाबाफारि मावग्राफोरनि थाखाय लेबार आरो समाजारि आयेनफोरनि रेखाथिया दड बेवहायबो बेखौ सोलिहोनायखौ लानानै सेलेन्सगोनां जादो।

गोदान दिल्ली, 19 जुन : करना इनफेक्सननि थासारिया लासैयैनो सरासनखा जाबोगासिनो। उद्धग-फालांगिफोरा जागायफिनबोहांगासिनो आरो न'-न'आव फैनाय लेबार मावग्राफोरा खामानियाव थांफिनहांगासिनो दं। बेफोरनि जाउनाव पेसेन्जार ट्रेनफोरनि गोनांथियाबो बांबोदो, जायखौ नोजोर होनानै रेलवेआ 660 ट्रेनफोरखौ सोलिहोफिनो थांखि लादो। रेल मावख 'आ मोनसे फिन होनायाव बुंदोदि, बे



ट्रेनफोरखौ खोलोब बादियै जागायनाय जागोन। रेल मावख 'नि बादिब्ला करना भाइरास गोसारनाया बांबोनायनि जाहोनाव रेलखौ बन्द 'खालामनायनि सिगां सानफोमबो गं 1768 मेल आरो एक्सप्रेस ट्रेनफोरा सोलियोमोन। थांनाय 18 जुनआव गं 983 मेल आरो एक्सप्रेस ट्रेनफोरखौ सोलिहोफिन्याय जायो। दाबि दैखानाय बादियै आरो थासारिखौ नोजोर होनानै ट्रेनफोरखौ लासै-लासै बांसिनै सोलिहोनाय जागोन। रेलवेआ बुंदोदि, जायगानि थासारि, टिकेट

मोन्नो हानाय आरो ओन्सोलनि कभिड-19 नि थासारिखौ नायबिजरनानै खोलोब बादियै रेलगारिफोरखौ सोलिहोने जनेल रेलवेखौ बुंनाय जादो। फिन्याव बुंवावनाय जायोदि, 1 जुनआव गं 800 मेल आरो एक्सप्रेस रेलगारिफोरखौ सोलिहोनाय जादोमोन। 1 जुननिफ्राय 18 जुननि गेजेराव जनेल रेलवेया फिन गं 660 उफ्रा मेल आरो एक्सप्रेस ट्रेनफोरखौ सोलिहोनायनि गनायथि होनाय जादो। बेयाव गं 552 मेल आरो एक्सप्रेसफोर आरो गं 108 हलीडे स्पेसेल ट्रेनफोर दं।

चेन्नाइनि जुलजिकेलनि पार्कआव करनानि डेल्टा भेरिएन्ट मोन्याय जादो



चेन्नाइ, 19 जुन : चेन्नाइनि बन्दालुरआव थानाय अरिगनार अन्ना जुलजिकेल पार्कआव करनानि डेल्टा भेरिएन्टजो मात्रै सिंहखौ इनफेक्सन जानाय मोन्दो। बेफोरनि सेम्पलनि जीनम सिक्वेन्सिनिफ्राय बे बाथ्राखौ मिथिनो मोन्याय जादो। बे टेस्टखौ भुपालनि

नेसनेल इनस्टिटुट अफ हाइ सिक्युरिटी एनिमेल डिजीज (एनआइएडच एस ए डि) आव खालामबाय जादो। बे खौरांखौ पार्कनि सासे बिबानगिरिया मिथिहोदो। अरिगनार अन्ना जुलजिकेल पार्कआ करना टेस्ट नायनो थाखाय एनआइएडच एस एडि, भुपालनो 24 मेयाव मा 4

आरो 29 मेयाव मा 7 सिंहफोरनि सेम्पेलखौ दैथायहरदोमोन। थांनाय 3 जुनाव बेनिफ्राय दैथायहरनाय रिपर्टआव मा 7 सिंहफोरखौ करना पजिटिभ मोन्दोमोन। बेनि उनाव बेफोर सिंहफोरखौ फाहामथाय होनाय जायो। खौरानि बादिब्ला, 9 बोसोर बैसोनि मासे बुन्दि सिंह नीला आरो 12 बोसोरनि पथबनाथन मुनि मासे बुन्दि सिंहआ सोलिफुदानआवनो करना जानानै थैदोमोन। सिंह बुन्दा पथबनाथनआ थांनाय बुधबारावसो थैदोमोन। करना पजिटिभ मोन्यायनि उनाव बे सिंहखौ बन्दालुरआव थानाय आरिगनार अन्ना जुलजिकेल पार्कनि सफारि ओन्सोलाव दोन्याय जादोमोन। नीला मुनि सिंह बुन्दिआ 3 जुनआव थैदोमोन।

जम्मु-काश्मीराव रैखाथि हान्जाया बारामुलानि उरी ओन्सोलनिफ्राय सा 3 उतखारिफोरखौ ग्रेप्तार खालामो

श्रीनगर, 19 जुन : जम्मु-काश्मीराव शनिबारखालि रैखाथि हान्जाया गिदिर जाफुंसारनो हायो। ओन्सोलनिफ्राय रैखाथि हान्जाया साथाम उतखारिफोरखौ ग्रेप्तार खालामो। लोगोसे बिसोरनिफ्राय हाथियार आरो गोबां बिबानि गला-बारुदबो बोखानो हायो। आथिखालाव हमजानाय उतखारिफोरखौ सिनायनो हायाखै। सन्देह 'खालामनाय बायदिब्ला, उतखारिफोरा बबेबा गिदिर जाथायखौ फिन्याय होनो खैसार सादोमोन। निउज एजेन्सिनि बायदिब्ला, आथिखालाव बे ओन्सोलखौ बेंखना लानानै गोखौ अपारेसन खालामनाय जाबाय।



नगावयाव रैखाथि हान्जा आरो उतखारिफोरनि गेजेराव जानाय गावलायनायाव सासे उतखारि थैदोमोन। काश्मीर जन पुलि सनि बायदिब्ला, थैनाय उतखारिनि मुख उजेर अशरफ दारमोन। बिनिफ्राय गंसे पिस्टल, गंसे गला-बारुदनि मेगजीन, 6 राउन्ड आरो थरने ग्रेनेड नागिरना मोनो।

आथिखालाव नक्साली गाग्लोबनायाव जोखोम जानाय जवानफोरनि फाहामथायनि थाखाय दन्तेवाड़ायाव गं 16 बिसिनानि आइसिइउआ थियारि जाबाय

दन्तेवाड़ा, 19 जुन : आथिखालाव नक्साली गाग्लोबनायाव जोखोम जानाय जवानफोरनि फाहामथायव गोबाव जानाय नंला। अदेबानि दन्तेवाड़ा जिल्ला देहा फाहामसालियाव गंभ्र अपारेसन थियेटरआ थियारि जाखंबाय। बेराफसे, गं 16 बिसिनानि गोनां देहा फाहामथाइ बिफान (आइसिइउ) आबो थियारि जाबाय। मख 'नो गोनांदि, छतीसगडनि बस्तर संभागआव जेरावबो अपारेसनि बेबस्था गैयामोन। बेनि सिगांभम बेयुनाय आरो गावलायनायाव जोखोम जानाय जवानफोरखौ हे लिकफ्पारजो रायपुराव दैथायहरनाय जायोमोन। बे हाबाफारियाव 2 निफ्राय 2 खावसे घन्टा नानायनि जाहोनाव गोबां थै गनायनि जाहोनाव गोबां खेब जवानफोरा मुंखं जानो गोनां जादोमोन। बस्तर संभागआव आथिखालाव इमारजेन्सि फाहामथायनि थाखाय दन्तेवाड़नि अनगाथै जगदलपुरआबो गैने सुपार स्पेसियेलिटि देहा फाहामसालि




आरो ट्रामा सेन्टार बानायनाय जागासिनो दड। बिजापुर, सुकमा, कन्डागाम आरो नारायणपुरनि नक्साल ओन्सोलफोरजो दन्तेवाड़नि जानथाया बयनिखुइ बाइइ जागोन। बेनिखानयो बे देहा फाहामसालियाव गोबाडै बाहायजागोन। सिभिल सर्जन सन्जय बधेलआव फोरमायनाय बायदिब्ला, कालेक्टर दीपक सनीनि हावग्रा लामायाव खम समावनो गोदान मुगानि सुबिधाफोरजो लेस जानाय अपारेसन थियेटर बानायनाय जादो। आथिखालाव ट्रामा सेन्टारखौबो जागायनो थियारि खालामगासिनो दड। बे देहा

फाहामसालियाव नक्साल गोहोनि सायाव थिसननाय जवानफोरनि फाहामथायबो होनाय जागोन। बेराफसे दन्तेवाड़ा देहा फाहामसालियाव गोब्राबै जोखोम जानाय माइक्र अपारेसनो खालामनो हासिगोन। बेयाव जोन्थोर आरो डाक्टरफोरनि हान्जायाबो थियारि जाबाय। बेजो लोगोसे गं 16 बिसिनानि आइसिइउआव अपारेसननि उनाव जोखोम जाग्राफोरा गाहाम जाजसिम साबसिन फाहामथायनि सुबिधाखौ मोनो हागोन। बेनि अनगाथैबो जगदलपुरनि डिमरापालआव 7 तालानि सुपार स्पेसियेलिटि देहा फाहामसालिनि भवनआ थियारि जाबाय।

दिल्लीयाव 1 जुलाइनिफ्राय आरएफआइडि टेग आरो थोजासे बिबानि रिसार्च मानि गैयाब्ला कमारिशियेल गारि मटरफोरा हाबनो मोनबाय नड

गोदान दिल्ली, 19 जुन : आयेन बादि रेडिय प्रिक्नुइन्सी आइडि फिफि के सन (आरएफआइडि) टेग आरो थोजासे बिबानि रिचार्स मानि गैयाब्ला 1 जुलाइनिफ्राय कमारिशियेल गारि मटरफोरा दिल्लीआव हाबनो गनायथि मोन्याय नड। खोला दिल्ली नगर निगम (एसडिएमसि) निफ्राय 14 जुनआव फोसावनाय मोनसे सरासन्सा खौरानि बादिब्ला, राजथानि दिल्लीआव हाबफैनायनि बिन्दोनि सायाव आरएफआइडि नेमखान्थिखौ गनायथि होनायनि हाबाफारिया फुरा जाबाय आरो फान्याय बेबस्थानि गुबुन गुबुन बिन्दोनि सायाव टेगखौ बायनो हागोन आरो बेवहाय रांखान्थिखौनो ट्रांसफार खालामनो हागोन। नटिसआव बुंदो, भारतनि सुप्रिम कर्टआ बिथोन अन्जिमा 10.08.



2020 नि गेजेरजो आरो आबहावनि गुनखौ सामलायग्रा आयग (सिएफिउएम) आइ सिंसि आरो दिल्लीआव हाबफैनायनि थाखाय कमारिशियेल गारि मटरफोरनिफ्राय टल टेक्सखौ बुधुमनो बिथोन होदो। आयेन बादि आरएफआइडि टेग आरो थोजासे बिबानि रिसार्च मानि रिसार्च गैया लासे

कमारिशियेल गारिखौ 1.07.2021 निफ्राय दिल्लीआव हाबनो गनायथि होयैनिबो बिथोन होदो। नटिसआव बुंदो, गासिबो कमारिशियेल गारि सालायग्राफोर आरो बिगोमाफोरा दिल्लीयाव 124 बिन्दोनिफ्राय हाबनायाव आर एफ आइडि टेक दिन्थिनांगोन। एसडिएमसीनि सासे बिबानगिरिआ बुंदो,

दासिमाव 5,02,323 आइएफआइडि टेगखौ फोसावनाय जाखंबाय। एसडिएमसीआ दिल्लीयाव टल प्लाजनि सायाव आइएफआइडि नेमखान्थिनि हाबाफरनि थाखाय नेडल एजेन्सि दं। टेगखौ अनलाइन रिसार्च खालामनो थाखाय नगर निगमनि मोनसे मबाइल एपबो दं।

TENDER NOTICE

Sealed tenders in plain affixing court fee stamp of Rs. 8.25(Rupees eight and paise twenty five) only (Non-refundable) are invited from any Govt registered contractors of any department under Govt of Assam for the following schemes under Mazbat Dev. Block. The tender papers will be issued to the tenderers from the Office up to 2.00 PM on 22/06/2021 and will be opened on the same date & place in presence of tenderers or their authorized representative at 3.00 PM. If this day falls on a holiday or non-working day then the same will be opened on the next working day at the same place & time. Earnest money should be deposited in the form of BD/DCR only @ 2% for the general and 1% in case of SC/ST/OBC/MOBC pledge to the Block Dev. Officer, Mazbat Dev. Block.

The detailed estimate specification of works, terms & condition may be obtained from the Office of the undersigned in Office hours. Works order will be issued to the selected Contractor subject to the approval of cooperative statement

Sl. No	Name of Schemes	Estimated Amount
1	Imp. of Rd. With S/G from Rupa Rd to Pasnoi River via Gohaibhethi LP School in Udalguri PWD (R&B) Div. Mazbat PWD Rural Rd Sub-Div.	Rs. 19,75,000.00
2	Imp. of Rd. With S/G from Hatubil vill Rd to Habigaon drain in Udalguri PWD (R&B) Div. Mazbat PWD Rural Rd Sub-Div.	Rs. 32,38,000.00

Sd/- Block Dev. Officer, Mazbat Dev. Block.

IPR(BTC)-82/2021

मादुरसी

मा, एसे समायना;
नोंनि महरा।
मा, एसे हाइना,
गोनां नोंनि रैसुमै,
गोदै रावया।
मादुरसी.....।
नोंनि मुहिन गोनां,
हाइना महरआव-
दिनै, आं देबोर नांबाय।
नोंनि अन्नायनि,
फिथिखा, लुफावनायाव;
दिनै आं आगोर,
मोनै जाबाय।
मादुरसी.....॥
नोंनि मिनिनाया मनालिसा
बादि, गन्थडा नोंना,
नारेंसु बादि जंब्लिद-ब्लिद,
स'ना, आसिया, नोंनि,
थब्लं देन्था, बादि,
बावया। आं नोंनि,
बेबादि मिनिस्तु,
फाव, दिन्थिनायखौ;
नासया। आं नोंनि,
बेबादि, माया, गेलेनायखौ;
दिनै, आं नोंनि,
मेगननि, नोजोराव;
आंनि गोसो गोबोंया,
बागदाव खांबाय।
मादुरसी.....॥।
बे समायना, मुलुक
संसारव नोंनिखुइ
साबसिन, रावबो गैया।
मादुरसी, बे संसारव,
नोंनिखुइ हाइनारिसिन,
रावबो गैया।

मुसि हाकिम बसुमतारि
गादि- 1 नं महेशपुर
बेसो- जिबै (14) बोसोर।

बेलासि समाव

बेसेबा मोजां, बेसेबा समायना
बेलासि सम
बेलासि समनि समाव आं जेब्ला
गसायखौ खुलुमो।
अब्ला आंनि बिखा बिख्लो गोथार
सान्नाय लाना गोजोनो
बेसे गोथौ बेसे दाहार दसेनो आरो
दुखुनि बोहैथिया सुम्रांलाडे।
दानदिसे सम ईसोरखौ खुलुमोब्ला
गियाननि गुथाल सौदावफैयो
ईसोर मानसिन गोजोना बेसे एसे
नाथाय दुखुआ बांसिन।
बेलासि समाव आंनि गोसोआ
रंजानायजों बाञ्च'यो।
जेब्ला ईसोरनि महरखौ गोसोजों
आं नागिरना खुलुमो...
अब्ला नागिरो गियाननि लामायाव
आगान सुरनो।
नाथाय दं गोबां सौदाव- सौसि
बेनो गोसोखौ हमथायो।
आं मोनथियो गोसोआ जोबोर दुस्त'
बेखौ नडब्ला बैखौ।
बेनिखायनो ईसोर नों आंनि जीउआव
गोथार गियाननि बोर साभि
दानि जुगाव गावजों-गाव सिनाया
है-ईसोर।
दानि समाव रावबो फोथाया,गात्रिनि
लामायाव आगान सुरनाय।
बे आंनि जीउनि बेलासि समाव जेब्ला
आं ईसोर नोंखौ फुजियो.....
आंनो गियान हरो नोंसोर आफा-आइ
आंखौ बुजाय दानदिसे सम।
बे आंनि थार साबसिन जीउनि
समायना बेलासियाव
जेब्ला गोसोआ गियाननि गोजोन बार
हाबफैयो अब्ला
दसे सम गियाननि लामा थाबायना
मानो थाथ'फिनो आंनि गोसो।

दुथां ब्रह्म
कक्राझार

रंजालि गथ' फोरनि सौरा

मुखलं जोहोलाव

थारैनो नों सासे जोहोलावमोन
गावनि हादरखौ सिबिग्रा,
गावनि जोनोमफुरि हादरखौ
मोजां मोनग्रा जोहोलाव।
थै-थां जुजियै जुजियै हारिखौ
खौसे लाबोनो नाजानाया थारैनो
दंमोन नोंनि गोथार गोसोआव।
हानाय नड जों जेब्लाबो बावनो,
बेबायदि हादर अनसुला जोहोलावखौ
थास लाइनि जिउआ दिनैसिम
आसखान्दा जादोब्लाबो नोंनि
मावफारि जोहोलाव जारिमिना
अरायबो जोंनानै थाबाय थायो।
एना एनि जानो रोडैसुबुजों
हारिखौ खौसेआव जोहा होग्रा नों
थारैनो नों मुखलं जालांबाय।
हारि सिबिसुला जेरावबो आखा फाखा
राफोद हारि सिबिसुला नों मावथि
मेंनो रोडैबानो रोडैजिराया जासे
नाजायो अरायबो मावनो सान हर।
बावनो हाया जों बे बायदि
जोहोलाव फोरंगुरुखौ।
मोदोमाव हारिनि थैखौ लानानै
हारि अनसायनाया मेगन गोसा
सुथुरजों नोजोर होजाना थारैनो
अबथिरा जिउआव नों मुखलं जालांबाय।

मिस रंजालि बसुमतारि
जायनारि गोजौ फरायसालि
थाखो- 10 (जि)

जिउनि दिडा

गोसोआव दड आंहा
अन्जिमा गैयै मिजिं,
बायहाजार गोसोनि हास्थायनाय
जिउनि दिडा सुलायनाय।
सोमखे दावखा बिदै जोमैनि सेरजों
मिनिखैरे मिनि हरो,
नुहां-नुवाहां मोब्लिबनि सोराड
स्रोब गोमोरफिनो जोमैनि सेराव।
दुंखावनाय गोसोजों
मैगिलनाय देहाजों,
बाञ्जैत-बाञ्जैत आगान सुरनानै
नायगिरो आं हालाय-हाफाय।
सिमन्ने-सिमन्ना बारहुंखाजों
खामगिलनाय अरगेंजों,
सोरबा खालामो गोसोनि बोलोखौ
थलथ'ब गोलैयो समनि बैथाया।
जिरायना थाद'नि, हमथाना नेदोनि,
खेब-खेब रानखेवनाय थिप्लंसे जिउ,
फानजारिआव जोबथेदिनि,
मैला गोसोखौ सुसांदिनि।

राजेश बसुमतारि
कारिगाव गोजौ फरायसालि
थाखो- जि (10)
कारिगाव, कक्राझार

जिउनि फैमाल

सोरबाया रंग'थि लानानै
सोरबाया रोडैखौ लानानै
गोरान बरजों।
सारा मुलुगनि निहोरा रायैयावबो
दुखु दाहानि बालाया रानखाव लांबाय।
गोजौ जोमैनि हांखाय नायाव
खाफालनि रिफिनाया
बेनिफ्रायनो दिग्रायनांबाय।
सिमांबायदि जाबाय बे जिउआ
गोरान बिलाय बायदि सिबिथं जाबाय
सोरनिबा खाफालाव देरहानायनि अखाफोर गावदां-दां
सोरनिबा खाफालाव जेन्नाय आरो रोडैनि लैथो हाब्रां
सोरांथो-हरथौ गोदान नखोरांखौ नागिरनानै,
गोदान जायखल्लंनि सायायाव
गोजोन सुदेम बारजों।

फनि महन इश्लारि
जामबुगुरि हाइस्कूल
जिल्ला:-कक्राझार,(बि.टि.सि)

दायआ सोरनि

फागुन दाननि रानस्राव गोरान लामानि
दावबायारि बबेबा थांखिनि
नाथाय सिनाया आं बैसिम सहैनायनि लामाखौ
मिथिगो बेखौल' अरायबो मोजां लामाजों थानांगो।
लामानि दुंबुद गोरान बारआ
बारलुंनानै हाद्रि सारलांबाय आंनि मेगनाव,
आं एसेबो नायनो हायाखिसै
खाथि खालानि जिरादखौ नुनो मोनाखिसै।
आं जेब्ला आन्दायनानै थाबायबाय थायो,
सोरबा सिखिनि मानसिया आंखौ बोलांफायो,
आंदि बेसेबां गोजेन्नाय मोनदों
बेजोंनो सौहैफासिगोन सानानै
गोसोआव बायदि मिजिं लानानै।
रंजानायजों बेखौ सानफ्राडखे मोनदि
आं माबायदि लामाजों थानों।
गुमुरखौनो मोनाखैमोनदि
आं सौथु लांबाय थादों,
दसे उनाव जेब्ला दैमा बारनो हमो
अब्लासो आंनि गोसोआ गिखाडे
दैजों मोखां सुम्रायोब्ला
गिलु बालु हाग्रामा सिगांथिं नुहुरो।
थाबैनो गिदिफिनो आं सिगांनि लामाथिं,
मोनहैफिनगोन आं गोजाम आगानखौ।
नाथाय बबेआव मोनबावगोन बारग' लांनाय समखौ ?
बेनिथाखाय आं आंखौनो
माबोरैहाय दायनिगिरि खालामनो
आंनि मोजां गात्रिखौ बिजिरनो
गुबुनखौ आं मानो हांखायनो ?

गब्ला बसुमतारि
कक्राझार

दावबायनायनि गाहाम खाबुफोरजों
लोगोसे बोथोरनि मुजिनाय लानो हागोन

शिमलानिफ्राय बाडइबो 54 कि:मि: गोजानाव थानाय
तात्तापानी जायगायाव जोबोरैनो समायना। जेराव दावबाय हैनानै
गोबां रंजानाय लानो हागोन।

गुदुं दैनि मिथिगायारि फुंखा : बेवहाय सतलुज दैमानि गुसु दै

थागिबि प्रेम कुमार रैनानि न'आ बे दैमानि साखाथि थारावमोन
आरो बियो सानसेखालि बै दै गुदुं दाहारखौ मिबथिदों। आथिखालाव
प्रेम कुमार रैनाया हट वाटार रिप्रं मुनि गंसे नेचुरफेथि भेलनेस
सेन्टारबो सामलायो, जेराव दाव दाव जायगानि सुबुंफोरा फाहामथाय

थादों, ऋषिफोरा तपस्या खालामदों, बेनि थाखायनो बेवहाय
आगानफोमबो सोमोनांथाव नुनो मोनो। तत्तापानीनि ओन्सोलारि
सुबुंफोरा बे जायगाखौ महर्षि जमदग्निनि तपस्या खालामग्रा
जायगा महर्षे गनायना लायो। महर्षिया गावनि बिसि रेणुकानि



दाहारनि दै गेजेराव 70 डिग्रि सेलसियासनि बिदुनि दै सुदुंनि
फुंखाया थाद'नाय गैयै बोहैगासिनो थायो। बेखौ 20 बोसोर
सिगां ओन्सोलनि सुबुंनि अनगा रावबो मिबथियामोन। बै जायगानि

लानो फेयो।
महर्षि जमदग्निनि तपस्या खालामग्रा जायगा : बे जायगाखौ
मोदाय दावदैनि जायगा गनायना लादों। बेवहाय पान्जाबफोरा



फिसाज्ला परशुमजों लोगोसे तत्तापानीनि साखाथियाव थायो।
गोसोखांथाव एडभेन्सार ड्वाइभ : शिमलानिफ्राय तत्तापानीया 2
घन्टासोनिल' लामा, नाथाय बेफोर लामायाव गारि-मथर
सालायनायनि मोन्दांथिया गुबुन रोखेमनि मोन्दांथि होयो।
बेफोर लामाफोराव गोबां धोरामारि थावनिफोरबो दड,
जायफोरखौ नुनानै दावगागासिनो थानो गोसो जायो।
मान्दार पिक ट्रेकिंग : जुदि ट्रेकिंखौ मोजां मोनोब्ला बे
जायगाया सोरगोपुरिजों समान। तत्तापानीनिफ्राय मान्दार
थिथिखिनि सिम ट्रेकिंया खमैबो 7 किल'मितारनो, जेराव
लामायाव गोबां दै बाजुमफोरबो नुनो मोनो।
नौकाबिहार : माखासे बोसोर सिगां तन्तापानीयाव मोनसे
बिलो सोरजिदों, जेराव नाव जावनायनि राहा दड।
आथिखालाव बे बिलोया 10 किल'मितारसो गोसारना दड।
दावबायारिफोरा बेवहाय दावबायदिनो मोजां मोनो।
रिभार राफिटिनि मुजिनाय : सतलुज दैमायाव रिभार राफिटि
खालामनो दाव दाव जायगानिफ्राय होंगो-दोंगो सुबुंफोरा
फेयो। बेवहाय रिभार राफिटि लटिनिफ्राय जागाय जेन्नानै
चाबा मुनि जायगासिम खमैबो 10 किल'मितारनि ट्रेकयाव
जायो, जेराव गं 3 गिदिर रेपिड फेयो। नीला गावनि
जोख्लाबनाय दैसायाव राफिटि खालामनायनि मुजिनाया
आलादा रोखेमनि जायो।r





गिबि मन्श्रिआ तिनिशुकिया जिल्लानि कभिड-19 थासारि आरो दै बानानि साखा-फारा जानायनि सायाव मेल जथुमदों

ओन्सोलफोरखौ सिनायथिनानै बेफोर ओन्सोलखौ सुबुंफोरखौ रैखाथि होनाय लोगोसे दैबाना होबथानायनि सायाव नांगौ रोखोमनि रहा लानो थाखाय जिल्ला खुंथायखौ बिथोन होयो। लोगोसे दै बाना सोमजिग्ना ओन्सोलफोराव दै बाना होबथानायनि थाखाय दासान्दि बान्दो लुफुंगासिनो थानाय खामानिफोरखौ थाबैनो फोजोबनो थाखायबो बिथोन होनाय जायो। बेनि अनगाथैबो गिबि मन्श्रि शर्माया तिनिशुकिया जिल्लानि सोलिफु कभिड-19 थासारिनि सायाव खौरं लानानै तिनिशुकिया सिभिल देहा फाहामसालिआव आइस्पिइड बिसिना बांहोनायनि खामानि सोलिबाय थानायखौबो थाबैनो मावफुंनो थाखाय बिथोन होयो। बेजों लोगोसे दिग्बै सिभिल हस्पितालआव गं 5 आइसिइड बिसिना थियारि खालामनो देहा बिफानखौ बिथोन होयो। जिल्लानि कभिड भेक्सिन होनाय आयदानि सायाव खौरं लानानै गिबि मन्श्रिआ जिल्लानि गासै ओन्सोलफोरजों लोगोसे बांसिन सुबुं सानखो थानाय ओन्सोल आरो साहा बागान ओन्सोलनि सुबुंफोरखौ भेक्सिन होनायनि सायाव बांसिन गोनांथि होनो खावलायो। दिनैनै बे मेलाव गिबि मन्श्रिजों लोगोसे राइज्योयारि मिरु मन्श्रि रामेस्वर टेली, आसामनि आबाद बिफाननि मन्श्रि अतुल बरा, टी-ट्रइब वेलफेयारनि मन्श्रि सन्जय किशान, एमएलएफोर सुरेन फुकन, भास्कर शर्मा, तेरज गवाला, बिनद हाजरिका, चक्रधर गाँे, पुनाकन बरुवा आरो तरंगा गगैमोनहाबो बाहागो लार्दोंमोन।❑

कक्राझारनि अभयाकुति जाथायाव जिउ गोमानाय सानै हिन्जावसानि थार बिजिरनाय नागिरनानै बिजनी दख 'रा एबसुआ सोमावसारदों

जाथाय सोमजिनाय एबा जाथायजों भुगिनांनाय नख 'रआव दावबायफैनानै जाथायनि सायाव गोखों संदान्ो बिथोन होनाय बादिदैय आसाम पुलिसआ संदान्नायनि गेजेरजों बे जाथायनि गुबै दायनिगिरिफोरखौ हम्ननायाव जाफुंसारनो हादों। बे जाथायाव पुलिसआ सा 7 दायनिगिरिफोरखौ खादोंब्लाबो बिसोरनि गेजेराव साथाम सुबुंखौ जाथायनि गुबै दायनिगिरि महरै पुलिसआ फोसावदों। बेराफार्से बे जाथायखौ लानानै राइज्योनाडै गुबुन गुबुन आफाद गौथुमफोरा दायनिगिरिफोरखौ फासिनि साजा होनो दाबि खालामबाय थानायखौ नुनो मोन्दों। दिनैबो बे अनगारि मुगैथाव जाथायजों लोब्बा थानाय दायनिगिरिफोरखौ फास्ट ट्रेक बिजिरसालिआव बिसार खालामनानै गोखों साजा होनांगौनि दाबिजों, दुखुथिया नख 'रनो सरकारनिफ्राय अन्सुंथाय होनांगौनि दाबि आरो बुथारजानाय सानै हिन्जावसानि थाखाय थार बिसार नागिरनानै मिरु दुलाराय बर' फरायसा आफादनि बिथोन बादिदै बिजनी दख 'रा एबसु आरो बिजनी आइजो जुथाय आफादआ 1 घन्टा सम सोमावसारदों। दख 'यनि मावखुलिनि साखाथियाव थानाय लांगोनायाव दख 'यनि आइजो माहारि आरो बिजनी बर' आइजो जथाय आफादनि सोद्रोमाफोरा आखाइयाव बेनार, पेस्टुन लानानै जौंनो नांगौ थार बिजिरनाय, जिनाहारि खालामग्राखौ फासिनि साजा होनांगौ, रबिता राभा आरो समायना राभानि बिजिरनाय नांगौ होन्नानै बिजनी ओन्सोलखौ गोमसार होयो। बेराफार्सेंथि राइज्योआव बेबादि मुगैथावै जिनाहारि खालामनाय, आइजो माहारिखौ गाग्लोबनाय जाथायफोरा जाफलेबाय थादों। बेनि थाखाय आइजोनि रैखाथिनि थाखाय राइज्यो सरकारआ रहा लानांगौ होन्नानै खौरं बिजोनि गेजेरजों दाबि खालामो दख 'यनि लेइाइ सोलोंंथाय नेहाथारि आरजिना बसुमतारिआ। एरैहाय 1 घन्टा सम सोमावसारखांनायनि उनाव बिजनी महकुमा बेंगिरिनि गेजेरजों बिटिआरनि गाहाय मावफुं सोद्रोमा प्रमद बर 'निंसिम गांसे गोसोखां बिलाइ दैथाय हरो।❑

सालबारियाव एबसुआ फरायसालिफोराव साखोन-सिखोन खालामनाय हाबाफारि खुदों

खालामनाय हाबाफारि लायो। मख 'नो गोनांदि करना महामारिनि जाउनाव बन्द जानानै थानाय सालबारि महकुमा सदरनि फरायसालिफोर जैरे – सालबारि हिन्जावसा गोर्जोसिन गेजेर फरायसालि, सालबारि गोर्जोसिन गेजेर फरायसालि, सालबारि फरायसालिमा, सालबारि जुनियर कलेज, सालबारि गुदि फरायसालिजों लोगोसे महकुमा सदरनि साखाथियाव थानाय ओन्सोलनि फरायसालिफोरनि लांगोनायाव सालबारि दखरा कमिटिनि दैदेनगिरि-सोद्रोमाफोरा साखोन-सिखोन खालामनाय हाबाफारि लानायजों लोगोसे फरायसालिफोरखौ सेनिटाइजेसनबो खालामो। साखोन-सिखोन खालामनायनि गिबि हाबाफारिखौ सालबारि हिन्जावसा गोर्जोसिन गेजेर फरायसालियाव एबसुनि बाक्सा जिल्ला कमिटिनि आफादगिरि उमेस दैमारीया बेखेवजेनो। बेखेवजेनाय हाबाफारियाव सालबारि हिन्जावसा गोर्जोसिन गेजेर फरायसालिनि गाहाय फोरोंगिरि सरत चन्द्र दासजों लोगोसे फरायसालिनि फोरोंगिरि, मावफारिया, एबसुनि दैदेनगिरि-सोद्रोमाफोरबो बाहागो लायो। मख 'नो गोनांदि सालबारि महकुमानि सिइव थानाय सालबारिनि अनगाथैबो रुपहि, खोला बिजनी, गेजेर बिजनी, हस्तिनापुर-बिजनी मौजा, गबर्धना, औवाबारि, खारिजा बिजनी गासै गं 8 एबसुनि दखरा कमिटिया गाव गावनि ओन्सोलाव थानाय सोलोंंथाइ फसंथानफोराव थानाय बृहस्पतिबारखालि एबसुनि दैदेनगरि-सोद्रोमाफोरा साखोन-सिखोन खालामनाय हाबाफारि लानायजों लोगोसे सेनिटाइजेसन खामायो।❑

दान मोनब्रैनि उनावबो ठेकियाजुलि बालि गामिनि बुथारजानाय जिलि राभा आरो करबि राभानि दिनैसिम बिसार गैया

बिनिनो 3 बोसोर बैसोनि फिसाजो सेवा रभाखौ गोबौ हाथियारजों मोखां बाहागोआव दानख्खावनानै जोखोम खालामनाय जाथायनि थार बिजिरनायखौ ब्रै दान सम बारलानायनि उनावबो मोन्ो हायाखै। जाथाय जानाया ब्रै दान बारलानायनि उनावबो पुलिस आरो खुंथाया दासिमबो बे जाथायजों लोब्बा थानाय सासेबो दुश्रांफोरखौ खानो हायैनै थाखाय खुंथायनि सायाव दुखु आरो खुद्रिखांनाय फोरमायदों सनितपुर जिल्ला राभा फरायसा आफादआ। दिनै ठेकियाजुलि प्रेस क्लाबआव मोनसे खौरंगिरि मेल खुंनायनि गेजेरजों सनितपुर जिल्ला दुलाराय राभा फरायसा आफादआ बे जाथायनि दायनिगिरिफोरखौ हम्नो थाखाय पुलिस बिफाननो 15 सान खानानै होदों। जुदि 15 साननि गेजेराव जाथायनि दायनिगिरिफोरखो सनितपुर जिल्ला पुलिसआ हम्नो हायाब्ळा कभिड प्रकटलखौ नैवसिनानै राजा लामायाव ओंखारबोनानै सोमावसारनायनि हाबाफारि लागोन होन्नानै हुमश्ि होयो। बेजों लोगोसेनो दिनैनै बे खौरंगिरि मेलनि गेजेरजों कक्राझारनि अभयाकुतिआव रबिता राभा आरो समायना राभा मुनि सानै हिन्जावसाफोरखौ जिनाहारि खालामनानै बुथारनाय जाथायनि सायावबो दुखु फोरमायनानै बे जाथायनि दायनिगिरिफोरखौ फासिनि साजा होनो दाबि खालामो। लोगोसे कक्राझारनि अभयाकुतिआव सोमजिनाय जाथायखौ जैरेबादि खौरं लाहैदों बेबादिनो ठेकियाजुलिनि बालि गामियाव बेबादि एखे रोखोम जाथाय सोमजिनाय जायगा आरो जाथायजों भुगिनांनाय नख 'रआव फैनानै जाथायनि सायाव गोखों संदान्ो आरो दायनिगिरिफोरखौ थाबैनो हम्नो थाखाय आसामनि गिबि मन्श्रि ७ हिमन्त बिश्व शर्माया सनितपुर पुलिसखौ बिथोन होफेनांगौ होन्नानै खौरंगिरि मेलनि गेजेरजों सनितपुर जिल्ला दुलाराय राभा फरायसा आफादआ दाबि देखदों।❑

बिजनी सहरआव 1000 बिफां फुलि गायदों

मावख 'जों लोगोसे बिजनी सहरनि सोरगिदिं बिफां फुलि गायदों। बे हाबाफारियावनो बाहागो लानानै बिजनीनि एमएलए अजय कुमार रायआ बुझेदि, बिजनी नोगोरखौ सोमखोर खालामनांगौनि थाखाय बयबो सिगांबोनांगोन। बिथाइ बुंबावोदि, फैगौ अक्ट्बर दानसिमाव बिजनी नोगोरनि सोरगिदिं 10 रोजा बिफां फुलि गायनो थॉंखि लानाय जादों। बे बिफां फुलि गायनाय हाबाफारिआवनो बाहागो लायो बिजनी महकुमा बेंगिरि दिबाकर नाथ, बिटिआरनि लेइइ वुंथिगिरि अबराम महानायक, सायख 'जानाय एमसिएलए प्रदिप कुमार बायन, एमसिएलए धनन्जय बसुमतारि, बिजनी नोगोर कमिटिनि मासिगिरि गुनेस्वर गयारि, बिजनी महकुमानि गुबुन गुबुन बिफाननि मावसुमाफोरजों लोगोसे एनजिअनि गोबां सोद्रोमाफोरबो बाहागो लार्दों।❑

चिरां जिल्ला खुंथाया कभिड भेक्सिन होनायनि थाखाय आबुडै-साखा-फारा

जानानै दइ। जिल्लानि गुबुन गुबुन ओन्सोलफोराव मोन 33 भेक्सिन मिरु फसंनायनि गेजेरजों जिल्लानि गासै 18 बोसोर बेसो आरो बेनि बांसिन बैसोनि सुबुंफोरनो कभिड भेक्सिन जगायगोन। बे आयदाखौ लानानै दिनै काजलगावआव थानाय जिल्ला बेंगिरि मावखुलिनि सावरायग्रा खथायाव माखासे बिफाननि बिबानगिरिफोरखौ लानानै मोनसे हरखाब मेल जथुमनाय जादों। चिरां उफ्रा जिल्ला बेंगिरि निर्मली बरुवाआ फैगौ 21 जुननिफ्राय 30 जुनसिम सानफायार सा 5 रोजा 18 बोसोर आरो बेनि बांसिन बैसोनि सुबुंफोरखौ कभिड भेक्सिन होनायनि थारिजों जिल्लानि सिइव थनाय राइजो-रजाफोरनि गेजेराव सांग्रांथि लाबोनानै भेक्सिन होनाय हाबाफारि मावफुंनो थॉंखि लानायनि बागै फोरमायथिनानै होयो। उफ्रा जिल्ला बेंगिरि बरुवाआ दाजावनानै बुंबावोदोदि, जिल्ला खुंथाया जिल्लानि गुबुन गुबुन जायगाफोराव मोननै काउन्टार आरो थोजासे मेन पावारजों लोगोसे मोन 33 भेक्सिनेसन सेन्टार फसनों थियारि खालामबाय। बे मेलावनो चिरां जिल्ला बेंगिरिनि जानानै उफ्रा जिल्ला बेंगिरि बरुवाआ कभिड-19 भेक्सिनेसननि थाखाय राइजो-रजाफोरनि गेजेराव सांग्रांथि लाबोनायाव आबुडे नांथाबनो थाखाय गासै ब्लक डेभेलपमेन्ट अफिसारफोरखौ खावलायो आरो गामियारि थाखोआव कभिड भेक्सिननि थाखाय बांसिने सांग्रांथि लाबोनायाव बाहागो लानो एबा नांथाबनो थाखाय भिसिडिसिनि मासिगिरिफोरखौ बिथोन होयो। डिडिअफोरबो गामियारि ओन्सोलफोराव बेनार, पस्टार, प्लायार्स, बायदि बेसादफोरखौ जगायनो आरो थि खालामनो थाखाय खावलायो। बेबादिनो डिस्ट्रिक्ट ससेल वेलफेयार अफिसारआ गासै आसा मावथिफोरखौबो गावबा गावनि ओन्सोलफोराव नांथाबनो आरो भेक्सिनेसन मिरुफोराव खमैबो सा 70 टिसिं आरो नन टिसिं स्ट्राफफोरखौ थिसन्ो थाखाय जिल्ला गुदि सोलोंंथाय मावख 'गिरिफोरखौ बिथोन होयो। जिल्ला फोरमायथि आरो सुबुं फोनांजाब मावख 'गिरिआ बे आयदानि सायाव गोनांथार बिफाव लानायखौ मख 'नानै उफ्रा जिल्ला बेंगिरिआ फैगौ 21 जुननिफ्राय जिल्लानि मोन 33 भेक्सिनेसन मिरुफोराव गासै 18 बोसोर आरो बेनि बांसिन बैसोनि सुबुंफोरखौ बेसेन लायाजासे कभिड भेक्सिन लाहोनायनि बिथिडाय बांसिने आरो गुवारसिने फोसावथाय होनो आरो माखासे सुबुंफोर कभिड भेक्सिननि बागै नंखाय बांसावनायनि सायाव खोमा सुवालसे नेवसिगासानै भेक्सिन लानायनि बेलायाव राइजो-रजाफोरखौ फोसावथायनि गेजेरजों खावलायदों डिस्ट्रिक्ट इनफर्मसेन एन्ड पाब्लिक रिलेसन मावख 'गिरिखौ खावलायो।❑

राइज्यो बेंगिरिआ मिलका सिंनि रुंसारि जानायखौ दुखु फोरमायदों

रदाबआव लिरदोंदि, मिलका सिंनि रंसारि जानाया भारतनि गेलेमु, गेलेमु धोन आरो हादरनि गेलेमु अन्सायगिरिफोरनि थाखाय गेदेर खहा जाबाय। थारैनो बिथानि रंसारि जानाया हादरनाडै मोनसे दुखुनि थासारि खालामदों। बिथानि रंसारि जानायनि खौरंखौ मोन्नानै आंबो दुखु मोन्दों। हादरनि गेलेमु मुलुगआव रंसारि मिलका सिंनि बिहोमा होलांनाय आरो थुलुंगा होलांनाया जॉजों लोगोसे अग्रयसम थाबाय थागोन। रंसारि सिंनि जिउमया सोगोंंआव आलो-गोजोनै थाहैनो हानायनि थाखाय अबंलावरनिंसिम आरो 'ज गाबनायजों लोगोसे दुखुथिया नख 'रनिंसिम दुखु रुजुनहरफायो राइज्यो बेंगिरि प्रफेसार जगदिश मुखिआ।❑

गोवाव सम बन्द जानानै थानायनि उनाव श्रीरामपुर गेटआव बेखेवफिनिसिगोन लिस्थाय सुग्ग

ट्रेन्सपर्ट कमिसनार आदिल खान आरो गसाइगाव महकुमा बेंगिरि पल्लबी सरकारआ श्रीरामपुरआव दावबायहैदों। नायगिदिंनायनि गेजेरजों कक्राझार जिल्ला बेंगिरि दाहालआ फोरमायोदि, आसाम सरकारनि बिथोन बादिदै श्रीरामपुरआव थानाय लिस्थाय सुग्ग गेटखौ बेखेवफिन्ो थाखाय थाख-थियारि खालामनाय जादों। मानोना बे गेटखौ बन्द खालामनायनि उनाव गोबां खेला आरो गुबुन मुवा-बेसाद रोगाग्रा गरिफोरा एरैनो थॉंलाय-फैलाय खालामदों। बेनिखायनो बे गेटफोरखौ खुलिफिन्ो थाखाय आसाम सरकारआ थॉंखि लार्दों आरो बेनि थाखाय थाख-थियारि खामानिआ सोलिगासिनो होन्नानै फोरमायबावदों।❑

अभयाखुथिआव सानै हिन्जावसाफोरखौ बुथारनाय जाथायखौ लानानै हेंथा सोमावसारदों

लानानै समाजाव सोमजिनाय जिनाहारि, बुथारनाय जाथायफोरनि हेंथायै बाइदि बाइदि स्तगान होस्रिखावनानै आखाइ-आखाइ बेनार, प्लेकार्ड लानानै सोमावसारो। कक्राझार जिल्लानि अभयाखुतिआव सानै उन्दै बैसोनि हिन्जावसाफोरखौ जिनाहारि खालामनानै बुथारनाय जाथायखौ गिबि सारिनि बिजिरसालियाव थाबैनो बिजिरनायजों लोगोसे दायनिगिरिफोरखौ गोर्जो थाखोनि साजा होनो थाखाय सोमावसारगिरिफोरा दाबि दैखाडे। लोगोसे जिनाहारि खालामनानै बुथारजानाय सानै उन्दै बैसोनि हिन्जावसाफोरनि दुखुथिया नखरनो सरकार खहा सुफुंथाय होनांगौ आरो समाजनि सरसनग्ना राइजो-रजाफोरनि जिउ, सम्पत्तिनि रैखाथिखौ रोखा खालामनांगौ होन्नानैबो सोमावसारगिरिफोरा दाबि दैखाडे। हेंथा सोमावसारनाय हाबाफारियाव जिनाहारि, बुथारनाय जाथायनि हेंथायै गोखों सोमावसारनाय आरो दायनिगिरिफोरखौ गोखों साजा होनांगौनि सायाव ऐबसुनि बाक्सा जिल्ला कमिटिनि आफादगिरि उमेस दैमारी, सालबारि दखरा कमिटिनि गाहाय नेहाथारि दिदोम यगारी, बर' आइजो क'अर्डिनेसन कमिटिनि गाहाय बिबानगिरि लिलाबति बसुमतारी मोनहा बिबुंथि लाखियो। सोमावसारनायनि उनाव गुबुन गुबुन दाबिफोरखौ लानानै एबसुनि बाक्सा जिल्ला कमिटि आरो बर' आइजो क'अर्डिनेसन कमिटिया गांफा-गांफायै गांनै गोसोखालाइखौ बाक्सा जिल्ला बेंगिरिनि गेजेरजों आसामनि गिबि मन्श्रि ७ हिमन्त बिश्व शर्मा आरो बि टि चिनि गाहाय मावफुं सोद्रोमा प्रमद बर 'निंसिम दैथाय हरो।❑

कसुगाव हाग्ग्रा ओन्सोलनिफ्राय मैदेर हाथायजों लोगोसे सासे सुबुंखौ खादों

जिब-जुनात मैहरु खालामनाय बायदिनि हेंथायै गोखोंसिने नोजोर लाखिनायखौ नुनो मोन्दों। बुब्जियावनो गोखों नोजोर लाखिनायनि फिथाइ महरै दिनै गसाइगावआव थिसनजानाय 31 नं बेटैलयन एसएसबिनि मोनसे हान्जा आरो कसुगाव हाग्ग्रा बिफाननि गोखोडै सिग्रोमनायनि गेजेरजों सासे सुबुइ मैदेरनि थनै हाथाइ लांखोमानो नाजानायखौ हम्नो हादों। मिबथिनाय बादिब्ळा, हाग्ग्रा बिफान आरो एसएसबि सान्श्रिफोरनि हान्जाया कसुगाव ओन्सोलनि जानालीआव मैदेरनि थनै हाथायजों लोगोसे सासे सुबुं आरो गंसे अट' गारिखौ हम्नो हादों। ह्मजानाय सुबुंखौ जानालीगाव बात्तिजरा गामिनि मातिय बसुमतारि होन्नानै सिनायथिनाय जादों। बे जाथायजों सोमोन्दो थानाय गुबुन सानै दायनिगिरिफोर खारखोमानानै दइब्ळाबो गोखों संदान्नायनि गेजेरजों बिसोर सानैखौबो थाबैनो हम्नो नाजागोन होन्नानै कसुगाव रेन्जनि रेन्जार ग्रान्जल तालुकदारआ फोरमायो।❑

फैगौ 21 जुननिफ्राय राज्यो नाडैनो कभिड- 19नि भेक्सिन थुनाय हाबाफारिखौ गोखोंसिन खालामगोन

बिबानगिरि, सावस्रि बिफाननि बिबानगिरि आरो फाहामथाय मुलुगसोलोंंसालिफोरनि बिबानगिरिफोरजों भिडिअ कनफेरिंसिनि गेजेरजों दिनै मोनसे गोनांथार मेल खुंफुलाडे। बे मेल जागायजेनाय समाव राष्ट्रीय सावस्रि अभियान, आसामनि मिसन सामब्लायगिरि ७ एस लक्ष्मनआ भेक्सिन थुनाय हाबाफारखौ बांहोनायनि गासैबो राहाफोरखौ लानानै मोनसे प्रेजेन्टेसन होयो। मेलाव गिबि मन्श्रिया फैगौ 21 जुननिफ्राय दुलाराय राज्यो नाडैनो सानफ्रोमबो 3 लाख सुबुंफोरखौ भेक्सिन थुनायनि थॉंखि लानायखौ जाफुंसार महरै मावफुंनो हानायनि थाखाय बे हाबाफारिखौ मोनसे अभियान महरै लानानै गासैबो रोखोमनि राहा लानो थाखाय जिल्ला बेंगिरिफोरनो बिथोन होयो। बिथाइ 21 जुननिफ्राय 30 जुनसिम बे थॉंखिखौ मावफुंलांनयनि राहा लानोबो बथोन होयो। बे भेक्सिन थुनाय हाबाफारिखौ नायगिदिनो थाखाय जिल्लाफोरनि दिश्थागिरि मन्श्रि आरो बिसोरनि सेक्रेटारिफोरा फैगौ 7 सानसिम गाव गावनि जिल्लालायव हाबाफारिनि गासैबो खामानिफोरखौ नायगिदिं नांगौनि थाखायबो बिथोन होयो गिबि मन्श्रि शर्माया। मख 'नो गोनांदि फैगौ 21 जुननिफ्राय मिरु सरकारा 18 बोसोरनि जौंसिन गासैबो सुबुंफोरनो बेसेन नाइजासे भेक्सिन थुनाय जागोन। 18 बोसोर बैसोनि गोर्जोसिन गासैबो सुबुंफोरा बे भेक्सिनखौ लानो हागोन। गिबि मन्श्रिया बे अभियानखौ गासैबो रोखोमे जाफुंसार होनायनि बिथिडव साखा-फारा खालामनो बिथोन होयो। बिथाइ बराग भेलि आरो डिब्रुगइ, तिनिसुकियाजों लोगोसे गुवाहाटीनिफ्राय गोजानाव थानाय जिल्लाफोराव सानथामनि थाखाय गोनांथि जानाय भेक्सनिनि ड'जफोरखौ दैथायरहर्नायनि राहा लानो खावलायहरो। गिबि मन्श्रिया भेक्सिन थुग्ग मिरुफोराव थिसनजानाय मावफारियाफोरनो हान्था-मेला खालामनाय खरसानि मुडै सानफ्रोमबो 100 रॉ होनायनि अनगाथैबो गोनांथि जक्राय जद्दगा मुवा-बेसाद जगायनायनिबो राहा लानो बिथोन होयो। मख 'नो गोनांदि राज्योयाव गासै गं 2 रोजा भेक्सिन थुग्ग मिरुफोरनि राहा थागोन। नोगोर ओन्सोलाव फुनि 8 रिगानिफ्राय मोनाबिलिनि 8 रिगारिसिम भेक्सिन थुनाय हाबाफारिया सोलिगोन। गुबुन फार्सेंथि गामि ओन्सोलाव फुनि 8 रिगानिफ्राय साननि 1 रिगारिसिम भेक्सिन थुनायनि हाबाफारिया सोलिगोन। बे सपनि गेजेराव भेक्सिन थुग्ग मिरुआव हाबनाय गासैबो सुबुंफोरखौ भेक्सिन थुनाय जागोन। बे हाबाफारिखौ जाफुंसारहोनो थाखाय गाहाय थाखोसिम सुबुं सांग्रांथि सोर्जिनायनि राहा लानो गिबि मन्श्रिया सावस्रि बिफाननो बिथोन होयो। बिथाइ बुझेदि भेक्सिन थुग्ग मिरुफोरा जहाते गोसो बोथवना जानो हायो बे बिथिडव सावस्रि बिफाना गोनांथि होनो नांगोन। बेबायदिनो सुबुं सांग्रांथि सोर्जिनो थाखाय बिफाना माइकनि गेजेरजों फोसावनायजों लोगोसे लाइसिफोरखौबो सुबुंफोरनि गेजेराव रानानै होनांगोन होन्नानै शर्माया बुडे। गिबि मन्श्रिया सरसनग्ना सुबुंफोरखौ भेक्सिन थुनायनि बिथिडव थुलुंगां बोनो थाखाय भलेन्टियारि आफाद, समाजारि आफाद आरो राजखांश्रियारि मावथिफोरनि बाहागो लानांगौनि सायावबो गोनांथि होयो। गाव गावनि मावखुलिनाय जहाते थाबैनो बाहागो लाहैनो हायो बेनि थाखाय गिबि मन्श्रिया गासैबो सरकारि मावफारिया, गावआरि फसंथाननि मावफारिया, ग'लानि बिगुमा-मावफारियाफोरखौ बे भेक्सिन थुनाय हाबाफारियाव बाहागो लाहोनायनि राहा लानोबो बुडे। बे मेलाव गिबि मन्श्रिया साहा बागानखौ लाफानानै गासैबो ओन्सोलाव बे हाबाफारिखौ थि महरै मावफुंनायनि राहा लानोबो बिथोन होयो। निखावरि आरो गोर्लेंसोनाय सुबुंफोरनो भेक्सिन थुनायनि मुं थिसन्थायाव मद्दद खालामनो थाखाय गासैबो भेक्सिन थुग्ग मिरुफोराव जायगायावनो मुं थिसन्नो हानाय बादिदैयै सासे मुंथि थिसन्थाय मावफारिया थागोन होन्नानै मेलाव सावस्रि बिफाना गिबि मन्श्रिनो फोरमायो। दिनैनै बे मेलाव सावस्रि मन्श्रि केशब महन्त, गिबि मन्श्रिनि चिफ सेक्रेटारि समिर कुमार सिन्हाजों लोगोसे सावस्रि बिफाननि गोर्जो थाखोनि बिबानगिरिफोराबो बाहागो लार्दोंमोन।❑

कक्राझारआव एबसु आरो बर' आइजो जथाय आफादआ अभयाकुति जाथायनि हेंथायै बेरेखा दिन्थिफुदों

हिन्जावसाफोरखौ इनायै जिनाहारि खालामनानै खास्रि-बिस्रि बुथारनानै फांसे बिफाइव्नो दौलें आलायनानै दोनाय जाथायनि हेंथायै दिनै राइज्योनि गुबुन गुबुन जिल्लाफोरजों लोगोसे कक्राझार जिल्लयायावबो दुलाराय बर' फरायसा आफाद आरो बर' आइजो जुथाय आफादनि बान्जायनायाव आलादा-आलादायै हेंथा सोमावसारदों। कक्राझार जिल्ला दुलाराय बर' फरायसा आफाद आरो बर' आइजो जुथाय आफादनि जुथायै बान्जायनायावबो दिनै कक्राझार टेइपारायाव थानाय माइबं हाउसआव मोनसे बेरेखा दिन्थिफुंनाय हाबाफारि बान्जायदों। बे बेरेखा दिन्थिफुंनाय हाबाफारिनि गेजेरजों दुलाराय बर' फरायसा आफाद आरो बर' आइजो जुथाय आफादआ अभयाकुति जाथायखौ फास्ट ट्रेक बिजिरसालिआव बिसार खालामनानै जाथायनि गुबै दायनिगिरिफोरखौ थाबैनो साजा होनो लोगोसे जाथायजों भुगिनांनै हिन्जावसाफोरनि नख 'रनो सरकारनिफ्राय अन्सुंथाय जगायनानै होनो थाखाय सरकारनिंसिम दाबि खालामो। बेजों लोगोसेनो आइजो माहारिनि रैखाथि आरो उदसिथि थाखाय गोखों रैखाथिनि राहा आरो आइन दानानै होनो सरकारनि खाथियाव दाबि खालामो। बे बेरेखा दिन्थिफुंनाय हाबाफारिनि गेजेरजोनो कक्राझार दुलाराय बर' फरायसा आफाद आरो बर' आइजो जुथाय आफादआ अभयाकुति जाथायखौ फास्ट ट्रेक बिजिरसालिआव लांनाने गोखैयै बिसार खालामनो, जाथायनि गुबै दायनिगिरिफोरखौ गोखों साजा होनो, भुगिनांनाय नख 'रनो रांखान्थि अनसुंथाय होनो आरो राइज्योआव आइजो माहारि आरो सरासन्त्सा सुबुंफोरनि थाखाय रैखाथि रहा जगायथिनानै होनायनि दाबिजों कक्राझाकर जिल्ला बेंगिरिनि गेजेरजों बिटिआरनि गाहाय मावफुं सोद्रोमा प्रमद बर 'निंसिम गोसोखां बिलाइ दैथायहरो।❑

बिमा-बिफा गोमाजानाय साथाम मावरिया बिब'-बिफंखौ फरायसा आफादा लोगो हमहैदों

बाक्सा, 19 जुन: बाक्सा जिल्लानि मुसलपुर महकुमानि सिइव थानाय सिंग्रापारा गामिनि साथाम मावरिया बिब'-बिफंफोरा थानाय 5 दान गेजेरावनो बिमा-बिफा गोमाजादोंमोन। थानाय 5 दान सिंगां बिमाया केन्सार बेरामजों भुगिनांनानै जिउ खोमानांनायनि उनाव बिफायाबो बिखानि बेरामजों जिउ गोमादोंमोन। बेनि उनाव साथाम मावरिया बिब'-बिफंफोरा फरियै-भार्यस्रि दत्त, सिमार्स्रि दत्त आरो सौरभ दत्त मोनहा जिउ खानायनि फार्से रागा गोथेजादोंमोन। बेनि सोमोन्दै गुबुन गुबुन खौरं बिजोंनि गेजेरजों खौराइ गोसारनायनि उनाव साथाम मावरियाफोरनि सोमोन्दै गुबुन गुबुन दोलो-आफादफोरा सुलु लहैयो। थानाय शुक्रबारखालि दुलाराय आसाम फरायसा आफादनि मिरु मावफुं सोद्रोमा रियाजुद्दिन आहमेदआ बाक्सा जिल्ला फरायसा आफाद आरो बाक्सा दखरा आफादनि



दैदेनगिरिफोरजों सिंग्रापारानि खाफाल हावरिया नखरसिम दावबायहैयो। फरायसा आफादनि मिरु मावफुं सोद्रोमाया दुखुथिया साथाम बिब'-बिफंफोरनि खौरं लाहैनानै बिसोरनि आबु सोलोंंथाइनि खरसानि बिबानखौ बानस 'नायजों लोगोसे गुबुन गुबुन समाव मद्दद खालामनोबो बोसोन होयो। बिथाइ फोरमायनाय बादिब्ळा गुबुन गुबुन खौरं बिजोंनि गेजेरजों साथाम मावरिया गथनफोरनि सोमोन्दै मिथिनो मोन्नायनि उनाव दिनै जिल्ला फरायसा आफादजों दुखुथिया नखराव दावबायहैयो। जरखायै बिमा-बिफा गैयायै

साथाम गथ 'फोरा गावसिनि सोलोंंथाइ लानायखौ माबोरै दावगाहोगोन बेनि सोमोन्दै साकरायलायनाय जादों होन्नानै रियाजुद्दिन आहमेदआ फोरमायो। अदेबानि आसुनि मिरु मावफुं सोद्रोमाया दुखुथिया नखरनि सोमोन्दै खौरं बिजोइव गोसारनायनि उनावबो दिनैसिम दुखुथाया बेनि सायाव खेबसेबो खौरं लायैया जोबोर खाफाल हावरियानि बाश्ग होन्नानै फोरमायनायजों लोगोसे नखरनि सोलोंंथाइ गोनां देरसिन फिसाजो भाग्यस्रि दत्तनो सरकारि सास्रि होनांगौनि थाखायबो दाबि देख्खाडे।❑

काजल अग्रवालआ बेकग्राउन्ड डान्सारनिफ्राय साउथनि बयनिखुइबो मुंदांखा फावखुंग्रि जादों

गोदान दिल्ली, 19 जुन: साउथनिफ्राय लानानै बलीउड इन्डस्ट्रीआव गोबां मुंदांखा जाखानाय फावखुंग्रि काजल अग्रवालआ दिने 36 बोसोर फुरा जाबाय। फावखुंग्रिया बलीउड सावथुनजों गावनि केरियारखौ जागायदोंमोन नाथाय बियो गिबियाव बेवहाय सिनायथिखौ मोनो हायाखै। बेनि उनाव काजलआ साउथ इन्डस्ट्रीनि फारसे थादों, जेराव बियो माखासे हिट सावथुनफोरखौ होदों। साउथनआव सिनायथि मोन्यानि उनाव फावखुंग्रिया 2011 आव आरोबाव बलीउडआव दोहोंगोनाडै फैफिन्दों। मख'नो गोनांदि, काजल अग्रवालआ 19 जुन 1985 आव मुम्बाइआव जोनोम जादोंमोन। फावखुंग्रिआ सेन्ट



एन हाइ स्कुलनिफ्राय गावनि सोलॉंथायखौ लादोंमोन। बियो उनाव जय हिन्द कलेजनिफ्राय मास मीडियानि डिग्रीखौ उश्रिसारनो हादोंमोन। काजलआ अरायसम डान्स खालामनो आरो फाव खालामनो मोजां मोनोमोन, जायनि जाहोनाव बियो डान्सनिफ्राय गावनि

केरियारखौ जागायदों। काजलआ एक्टि केरियारखौ जागायनायनि सिगां बेकग्राउन्ड डान्सारमोन। काजल अग्रवालआ 2004 नि बलीउड सावथुन क्यु हो गया ना जों केरियारखौ जागायदोंमोन। काजलआ बे सावथुनआव एश्वर्या रायनि उन्दै बिनानावनि फाव खालामदोंमोन। बे

सावथुननि उनाव काजलखौ तामिल डायरेक्टर भारतीराजनि सावथुन बमालट्टमआव नुनो मोन्दों। नाथाय बे सावथुनआ माखासे जेनाफोरनि जाहोनाव 2008 आव रिलीस जानो हायाखै। बे सावथुनआव बिजों लोगोसे अर्जुन सरजा आरो नाना पाटेकरआ गाहाय फाव खालामदोंमोन। बलीउडआव सिनायथिखौ मोनैनि जाहोनाव काजलआ तामिल सावथुन इन्डस्ट्रीनि फारसे थाडो। फावखुंग्रिया 2007 आव लक्ष्मी कल्यानमआव कल्यान रामजों लोगोसे केलेगु डेब्यु खालामदोंमोन। बे सावथुनआव बक्स अफिसआव माखासे जरखा जाफुंसारनो हायाखै, जायनि उनाव बे बोसोरावनो बिखौ चन्दामामायाव नुनो मोन्दों। बे सावथुनआव काजलनि गिबि जाफुंसारनाय सावथुन जादों। बेनि उनाव फावखुंग्रिखौ 2009 आव रिलीस जानाय एसएस राजामौलीनि हिस्ट'रिके ल सावथुन मगधोरआव डबल फाव खालामनाय नुनो मोन्दों, जायजों बियो फुरा इन्डस्ट्रीआव सिनायथि जानो हादोंमोन।

गाहाम देहानि राहा

अफिसयाव फिटये थानोब्ला जांक फुडखौ जानो नाडा



गोदान दिल्ली, 20 जुन: मोनसे गोदान संदान्यायाव इसारा मोन्दोंदि, जाय मावसुमाफोरा हाबाफारि मावग्रा जायगा एबा अफिसयाव गाहाम नडेजाग्रा आदार जाब्ला डायबिटिस आरो बिखानि बेरामनि खैफोद सोमजिनो हागौ।

फाहामगिरिफोरा बोसोन होदोंदि, अफिसयाव जंक फुडनि जायगायाव फास्ट फुडखौ जानांगौ। जंक फुड जाब्ला गुफुं देहा जानो हागौ। जंक फुड जाब्ला देहायाव गोबां मेजेम जमा जायो। बिजि जिउ खुंनायाव सम सम सुबुंफोरा ब्रेक फास्टखौ जास्लाबनो हायै जायो

आरो सानयाव जंक फुड जाग्रा आदारखौ जायो। हाबा मावनाय समाव जंक फुडनि जायगायाव फास्ट फुड बादि फिथाइ-सामथाइ, गायखेर, सालाद, ड्राइफ्रुट, सचु, लेबुनि दै, खुसेरनि रस आरो बेरे मोदेखौ लॉनांगौ। सुबुंफोरा के फे टे रिया आरो वार्क प्लेसयाव फिथाइ-सामथाइखौ जानांगौ। जाग्रा आदारखौ खम आरो लासै लासै जानांगौ। गोथां मैंग-थाइगं आरो फिथाइ-सामथाइखौ जानांगौ। साबुत दानाखौबो जानांगौ। गोबां सिनि थाखाय मुवाखौ जानो नाडा। गोबां दै लॉनांगौ।

बलिउडनि स्टारफोरा फ्लाई सिख बबिता जीआ हौवाफोरखौ मुगैयो मिलखा सिनो बिबार बावदों



गोदान दिल्ली, 19 जुन : फ्लाई सिखनि मुंजों मुंदांखा जानाय भारतनि मोजां गेलेगिरि एबा एथलीट मिलखा सिंआ 91 बोसोर बैसोआव रंसारि जाबाय। बियो चन्डीगडुनि पिजिआइ देहा फाहामसालियाव जोवथा हां बोदों। गासै मुलुगआव गावनि सिनायथिखौ बानायखानाय भारतीय एथलीट मिलखा सिंनि रंसारि जानायजों खेला मुलुगनि अनगायै बलिउड आवबो दुखुनि थासारिया सोमजिदों। मिलखा सिंनि रुंसारि जानायाव एन्टारटेन्मेन्ट मुलुगनि गोबां स्टारफोरा बियो ससियेल मिडियानि गेजेरजों बिबार बावहरदों। मिलखा सिंनो बिबार बावनानै फावखुंग्रि शाहरुख खानआ टुट्ट खालामनानै लिरदों

फ्लाई सिंआ आधिखालाव जॉनि गेजेराव गैला, अब्लाबो अरायसम जोंजों लोगोसे थागोन। ऑनि आरो लाख लाख सुबुंफोरनि थुलुगाखांयाव जानाय मिलखा सिंनि आत्माया सान्ति मोन्थों। अक्षय कुमारआ लिरदों, बेखौ खोनानानै गोबां दुखु मोन्दों। बेबायदि फावखौ स्क्रीनआव सावथुन बानायथैनि थाखाय आं अरायसम दुखु मोनगोन। फ्लाई शिख अम शान्ति। फावखुंग्रि अनुपम खेरआ लिरदों। गावखौनो गाव मिलखा सिं सानो नामा? जेब्ला सोरबा सासे सुबुंआ मोजां जायोब्ला बिनि मोजां गुनआ नेरसन बायदि जानानै थायो। आं खनसे खनै मिलखा सिंजों लोगो हमनो खबु मोन्दोंमोनथ गोबां खम सुबुंफोरनि गेजेराव

बे बायदि मोजां आखुखौ नुनो मोनो। बियो साफ्रोमबोनि थाखाय थुलुगाखांथाव आरो गोसोबोनो हाथावमोन आरो अरायसम थागोन। अम शान्ति। प्रियंका चपड़ाया टुइट खालामनानै लिरदो नोंथानि गोसो दुंगाखानाय आरो नाजानाय जॉनि गिबि लोगो मोन्यायखौ गोबां गोसोखांथाव बानायदोंमोन। नोंथानि सुबुंथिया जोंखौ थुलुगा होयो। आं नोंथांखौ लोगो मोनानै गोबां थुलुगा मोन्दोंमोन नोंथाडा हादतखौ आवगय होनायाव गाहाय बिहोमा होदों। अम शान्ति मिलखा जी। रुबीना डुन्दुनआ मिलखा सिंजों लोगोसे गावनि मोनसे सावगारिखौ सेयार खालामनानै लिरदों, आं नोंथांजों लोगो मन्नायाव खाफाल गोनां जादोंमोन। बे लोगो मोनानै अरायसम आंनि थाखाय गोसोखांथाव जागोन। जों साफ्रोमबोनि गोसोआव नोंथानि मोनसे जरखा जायगाया थागोन। जेब्लानो नोंथानि थुलुगाखांनानयनि गोनांथि जागोन अब्लानो 'भाग मिलखा भाग' आ जॉनि खोमायाव खोनाबाय थागोन।



गोदान दिल्ली, 19 जुन: सीरियाल तारक मेहेता का उल्टा चश्मानि बबिता जी एमा मुनमुन दत्तआ गावनि गोसोबोनो हाथाव आखुजों सुबुंफोरखौ जावलिया खालामखांबाय। श्व'आव मिस्टर अय्यरनि बिसि जानाय बबिता जीआ मोगथाडरि जिउआव दासिमबो सिंगल दड। गकुल धाम ससाइटीनि बयनिखुइबो स्टाइलिश लेडी बे मुनमुन दुत्ताआ मोगथाडरि जिउआव गोबां बलड। नाथाय मुनमुननि जिउआव मोनै एरैबायदि जाथाय जादों, जायजों बिनि गोसोयाव हौवाफोरखौ लानानै मोनसे जेना गोनां मुगैनाया सोमजिदों। बबिता जीनि जिउआव बे जाथाया 2008

आव जादों। बे समाव मुनमुनआ सावथुननि फावखुंग्रि अरमान कहलीखौ डेट खालामदोंमोन। भेलेन्डइन्स डेनि खबुआव बिनि बयफ्रेन्ड अरमानआ बिखौ बुंदोंमोन। बेनि उनाव मुनमुन आरो अरमाननि सोमोन्दोआ थाबैनो जोबसदों। मुनमुनआ गावनि सायाव जानाय बे दायखौ पुलिसनाय के स थिसन्दोंमोन। बे के सआ कर्टिसम सौहैदोंमोन, जायनि उनाव अरमानआ गावनि आखुनि थाखाय निमाहा बिनो गोनां जादों आरो जुरिमानाबो होनांदोंमोन। मुनमुन दत्तआ थानाय माखासे बोसोर सिगां #MeToo आव गावनि जिउनि बयनिखुइबो जेना गोनां मोन्दांथिखौ शैयारखालामदोंमोन। बियो बुंदों साफ्रोमबो आइजोफोर माल्बाबा नडा माल्बाबा जिनाहारि खालामजानायजों मोगा-मोगि जानाडो आरो बेयो गासिबो बैसोयाव जायो। उन्दैयाव आं न' खाथियाव थाग्रा सासे आदैखौ गियोमोन मानोना जेब्लानो बियो आंखौ हारसिडे लोगो मोनो अब्लानो हमथाना लाखियोमोन आरो आं बे बाध्याखौ दोनखोमानांगौ होनानै हुमखि होयोमोन।

गोदान दिल्ली, 19 जुन: बलीउड स्टारफोरनि फेन्सफोरा अरायसम बिसोरनि प्रफेशनेल लाइफजों लोगोसे बिसोरनि पार्सनेल लाइफनि सोमोन्दै मोनथिनो गोबां उसुखुथु जायो। फेन्सफोर बिसोरनि मोनफ्रोमबो बाध्याफोरखौ खाथियै मोनथिनो नाजायो। फारसेथि स्टारफोरनि न'नि इन्टीरियर आरो बिसोरनि न'नि बेसेना अरायसम फेन्सफोरखौ थुलुगाखां होयो। लकडाउननि समाव माखासे बलीउडनि स्टारफोरा मुम्बाइआव कौटि-कौटि रनि न' बायदों। आधिखालाव बे फारिलाइयाव अजय देबगाननि मुजबो सरजावफादों। रिपटनि बायदिब्ला अजय देबगाननि सासे बुंथिगिरिया गोदान न' बिल्डिं बायनायनि खौरांखौ होदोंमोन। आधिखालाव बेनि थार बेसेननि सोमोन्दै जेबो मोनथिनाय जायाखै। बै समाव एरैबायदि खौराव फेदोंमोनदि, न' बिल्डिंनि थाखाय 60 कौटि रांखौ होनाय जादों। नाथाय आधिखालाव बेनि थार बेसेननि नंगुबै खौरांखौ मोनबाय। मख'नो गोनांदि, अजयनि बे न' बिल्डिंनि प्लेट एरियाआ 47.4.4 स्कुवार मिटर आरो कन्स्ट्रुक्टेड एरियाआ 6.500 स्कुवार फुट। फावखुंग्रिआ जुहुनि कपल क-अपरेटिभ हाउसिं ससाइटीआ बे न' बिल्डिंखौ बायदों। बेनि बेसेना 47.50 कौटि रां। अजय देबगानआ आधिखालआव शिब शक्ति न' बिल्डिंआव थायो, जाय बे प्लेटनिनो खाथियाव दड। मख'नो गोनांदि, Zapkey.com नि डक्युमेन्टनि बायदिब्ला थानाय



बोसोरनि 29 डिसेम्बरआव अजय देबगानआ गावनि बिमा वीना वीरेन्द्र देबगाननि मुडै बे न'खौ भावेश बालकृष्ण सरकारनो 2 कौटि 37 लाख वालियानिफ्राय बायदोंमोन।

बेल' नडा बे न' बिल्डिंनि थाखाय अजय देबगानआ स्टान्प शुल्कनि महाराव राइन्थो सरकारनो 2 कौटि 37 लाख 50 रोजा रांखौ होदों।

वेब सीरीज रुद्रनि थाखाय अजय देबगानआ 125 कौटि रांखौ मोनो हादों



गोदान दिल्ली, 19 जुन: जुलाइआव अजय देबगानआ गावनि डिजिटेल डेब्यु श्व'रुद्र: दा एज अफ डार्कनेस'नि सुटिखौ जागायसिगोन, जायखौ 2 दानआव फुरा खालामनो थांखि लादों। गोदान रिपटनि बायदिब्ला बे सीरीजनि थाखाय अजय देबगाननो 125 कौटि रांखौ होनाय जादों। बेजों लोगोसेनो बियो अटिटि प्लेटफर्मआव बयनिखुइबो बांसिन फिन लाग्रा फावखुंग्रिफोरनि फारिलाइआव थादों, जेराव अक्षय कुमार आरो ऋतिक रशन बायदि स्टारफोर

दंफादेरो। आधिखालआव बुंनाय जादोंदि, अजय देबगाननि फीसआव स्टार नेटवार्कनि माखासे कौटिनि प्रमशनेल एक्टिभिटीज बायदि प्रम' शुट सशेल मिडिया परस्ट, रियेलिटी श्व'फोराव अपीयरेन्सआबो दंफादेरो। सीरीजआव साउथ इन्डियानि फावखुंग्रि राशि खान्नायाबो गाहाय फाव खालामगोन। बे सीरीजआ ब्रिटिश साइकलजिकेल क्राइम ड्रामा 'लुथर'नि मावख'आरि रीमेक, जेराव इन्ड्रिश एल्बा, रुथ विल्सनआ गाहाय फाव खालामदोंमोन।

सपना चौधुरीआ देशी आखुआव छेड़ रिप्ट जीन्सआव हट फटसुट खालामदों

गोदान दिल्ली, 19 जुन : हारियाणानि कुडन आरो डान्सार सपना चौधुरीआ मोनफ्रोमबो आखुजों गावनि फेन्सफोरखौ जावलिया खालामो। सपनाया थारैनो मेन स्टीम इन्डस्ट्रीजों सोमोन्दो गैया, नाथाय बिनि फेन फलईआ सोरबा टप क्लास फावखुंग्रिनिफ्राय खम नडा। बिनि सावगारिफोर आरो भिडियफोरा ससियेल मिडियाआव फेनाय लोगो लोगोनो भाइरेल जायो। सपनानि डान्स खालामनाया आरो आखु दिन्थिनायजों कौटि कौटि सुबुंफोरा जावलिया जायो आरो बिनि मोनसे नुथायखौ नायनो थाखाय उरु खुथु जायो। सपनाया गावनि डान्सनि अनगायै गावनि देशी आखुनि थाखायबो मोनथिजायो, नाथाय बे खेबआव डान्सार सपनानि लुकखौ नुनानै नोथाडाबो



गोमोगोन। बिनि मोनसे गोदान भिडियआ ससियेल मिडियाव भाइरेल जादों। बे भिडियआव बिखौ ग्लेमार्स लुकआव नुनो मोन्दों। सपना चौधुरीआ गावनि इन्स्टाग्रामआव भिडियखौ सेयार खालामदों। बे भिडियआव बिखौ गोबां मोजां आखुआव नुनो मोन्दों।

बुंफनयाय आखुखौ साफ्रोमबो मोजां मोन्दों। बे भिडियखौ बिनि फे सनफोरा। बिनि थाखायबो बांसिन मोजां मोन्दों मानोना बांसिन बिखौ देशी आखुआव नुनो मोन्दों। फारसेथि वेस्टान लुकआव बिखौ खम नुनो मोनो।

रजनी कान्तआ स्पेशेल प्राइमेट फ्लाइटजों आमेरिकानि थाखाय ओखारलांसिगोन

गोदान दिल्ली, 19 जुन: साउथनि मेगास्टार रजनी कान्तआ दिने एबा शनिबारआव आमेरिकानि थाखाय ओखारलांसिगोन। खौरनि बायदिब्ला रजनी कान्तआ रुटनि मेडिकेल चेकआपनि थाखाय आमेरिकायाव थांसिगोन। करना इनफेक्सननि जाहोनाव बियो मिरु सरकारनाव गनारथि बिदोंमोन जायखौ आधिखालआव बियो मोनबाय। बेबायदियाव थाबैनो रजनी कान्तआ आमेरिकायाव गावनि मेडिकेल चेकआप खालामजाहैनो हासिगौ। मिडिया रिपटनि बायदिब्ला रजनी कान्तआ जरखा उरां जाहाजजों आमेरिकायाव थांगोन। मख'नो गोनांदि, माखासे बोसोर सिगां रजनी कान्तनि किडनीखौ सार्जरी खालामदोंमोन। जाय डाक्टरआ बिखौ सार्जरी खालामदोंमोन बिखौ लोगो हमनो मेगास्टारआ आमेरिकायाव थांगोन। बियो बावैसो समाव गावनि मोनसे सावथुननि शुटिखौ फुरा खालामदों। लोगोसेनो बियो गोबां थाबैनो आरोबाव माखासे



सावथुनफोरनि बाहागो लागोन। मख'नो गोनांदि, रजनी कान्तनि बिजामादै आरो फावखुंग्रि धनुषआ गावनि बिसि आरो फिसाफोरजों लोगोसे आमेरिकायावनो थायो। धनुषआ

बेवहाय गावनि सावथुन ग्रे मेननि शुटिखौ खालामदों। बेबायदियाव फोरमायनाय जादोंदि, मेडिकेल चेकआपनि समाव रजनीकान्तआ गावनि बिजामादैजों लोगोसेनो थागोन। रजनीकान्तआ गावनि नख'रनि माखासे सुबुंफोरखौबो गावजों लोगोसे आमेरिकायाव लांगोन। आधिखालाव मेगास्टारआ करना भाइरास इनफेक्सनखौ लोगोसेनो बियो भेक्सननि मोन्नेबो ड्रुपखौ लाबाय। गेजेराव बिनि बि पिआ बांनानयनि जाहोनाव बिखौ देहा फाहामसालियाव थिसन्नो गोनां जादोंमोन। थाबैनो रजनी कान्तखौ सिरुथाइ शिबनि गेजेरजों बिथोन होनाय सावथुन अन्नात्थेआव नुनो मोनसिगोन। सावथुनआव बिजों लोगोसे नयनतारा, खुशबु, मीना आरो कीर्ति सुरेशजों लोगोसे माखासे स्टारफोरखौ नुनो मोनगोन, जेराव प्रकाश राज, सुरी आरो सतीशखौ गाहाय फाव खालामनाय नुनो मोनगोन।

करना भाइरासनि जाहोनाव राहुल गान्धीया जोनोम साननि फोर्बो फालियाखै

पि एम मदिआ 24 जुनआव गसैबो दोलोनि जथुम्मा लिंनो हासिगो, शाहआ डभालजो लोगोसे र आरो आइ बि चीफजो लोगोसे मिटि




गोदान दिल्ली, 19 जुन : कंग्रेसनि आगुनि आफादगिरि राहुल गान्धीया दिने 19 जुनआव 51 बोसोर जाबाय नाथाय बियो हादतनि करना भाइरासनि थासारिखो नोजोर होनानै बे खेबआव गावनि जोनोम साननि

फोर्बो फालियैनि थांखि लादों, बेखाबुआव पार्टिनि मावसुमाफोरा गोनांथि जानाय निखाविर सुबुंफोरनो जाग्रा आदारनि रेसन, मेडिकेल किट आरो मास्क राना होयो। पार्टिया सिगांआवनो राइज्यो कंग्रेसनि कमिटिफोर,

पार्टिनि गुबुन गुबुन फसंथानफोर एबा बिफानफोरनो लाइजाम हरनानै बुंनय जादोंदि, 19 जुनआव राहुल गान्धीनि जोनोम साननि खाबुआव जायखि जाया रोखोमनि फोर्बो हाबाफारि खुंनय जानाय नड आरो जेबो हडिं

एबा पस्त्यखो होनाय जानाय नड। अदेबानि गावसिनाव मोननो हानाय खंखांथिखो गोनांथि जानाय सुबुंफोरनो मदत होनायाव बाहायगोन। खोरांनि बादिब्ला राइज्यो कंग्रेस कमिटिफोरा गावबा गाव जायगायाव गोनांथि जानाय सुबुंफोरनो रेसन, मेडिकेल, किट, मास्क आरो सेनिटाइजर राना होयो। भारतीय लाइमोन कंग्रेसआ बुंदोंदि बिसोरो राहुल गान्धीनि जोनोम सानन आवनो करनजो गोहोम गोलैनाय सुबुंफोरनो मदत होयो, जाग्रा आदारनि रेसन राना होयो आरो सरासन्ना सुबुंफोरनो करना भेक्सिन थुजानायाव मदत खालामो। बे समाव बिसोरो करना भाइरासनि ने मखांथिफोरखो मानिना सोलियो।

गोदान दिल्ली, 19 जुन: जर'खा राइज्योनि दरजाया जोबनायनि गसै 3 बोसोरनि उनाव जम्मू-काश्मीरनि राजखान्थिया सोलायनो हासिगो। राइज्योचो लोब्बा गोनां मिटिनि सायाव हाइलेभेल मिटिआ सोलिगासिनो दड। मिडिया रिपर्टसआव बुंनय बायदिब्ला, गाहाय मन्थि नरेन्द्र मदिआ 24 जुनआव गसैबो दोलोनि जथुम्मा लिंनो हासिगो। बेनि थाखाय गसैबो दोलोफोरनो खोरां दैथाय हरनाय जाबाय। सुलुंनि बायदिब्ला, बेयाव जम्मू-काश्मीराव सोलिबाय थानाय राजखान्थियारि हाबाफारिनि अनगायै मिरुजो खुंनय राइज्योखो गोदान राइज्योनि बिमुं होनायजो सोमोन्दो थानाय



आयदाफोरनि सायाव सावरयनो हागो। बे जथुम्मायाव जम्मू-काश्मीराव जानो गोनां बिधान सभा बिसायख'थिनि सायावबो सावरयनो हागो। बे राइज्योयाव बिसायख'थिया 2018

निफ्रायनो थाबथानानै दड। बै समाव मेहबुबा मुफ्तिनि पार्टि पि डि पि आरो बि जे पिनि जुथाय पार्टिआ बायदोंमोन। बेनि गेजेरजो, गुपकार आफादआबो मिरु सरकारजो सावरयनायखो

लानानै गुरै आखुनि इसारा होदोंमोन। बेनि सिगां अमित शाहआ थांनय शुक्रबारखालि नख'र बिफानआव मोनसे हाइ लेभेलनि मिटि खालामो। बेयाव माहारियारि रैखाथि बोसोनगिरि अजित डभाल, हम सेके टारि अजय भल्ला, इन्टेलिजेन्स बिउरनि बिथोनगिरि अरबिन्द कुमार, रिसार्च एन्ड एनालिसिस बे (आर ए डब्लिउ) नि गाहाय सामन्त कुमार गयेल, सि आर पि एफनि डाइरेक्टर जेनेरेल कलदीप सिं आरो जम्मू काश्मीरनि डि जि पि दिलबाग सिंमोनहा बाहागो लायो। बे मिटिनि सिगां अमित शाहआ जम्मू-काश्मीरनि लेडइ राइज्यो बेंगिरि मनज सिन्हाजोबो लोगो हमदोंमोन। सानैबो जथुम्माखो जम्मू-काश्मीरनि थाखाय मख'जाथाव होन्ना फोरमायनाय जादों। सुलुजव फोरमायनाय बायदिब्ला, थांनय 2019 नि आगस्टआव मिरु सरकार जम्मू-काश्मीरखो जरखा राइज्योनि बिमुं गोनां आरटिकेल 370 खो फोजोबदोंमोन। बेजो लोगोसे राइज्योखो दरसै मिरुजो खुंनय राइज्योफोर जम्मू आरो काश्मीर आरो लाहाखआवबो बोखावदोंमोन। बे थांखिनि सिगां जम्मू-काश्मीराव थानाय मेहबुबा मुफ्ति, फारुक आब्दुल्ला आरो अमर आब्दुल्लाजो लोगोसे माखासे गिदिर दैदेनगिरिफोरखो हाउस एरेस्ट खालामना लाखिदोंमोन। नाथाय माखासे दाननि उनाव बिसोरखो रिहाय खालामो।

डिपिआइआइटिनि नेहाथारि गुरुप्रसाद महापात्राया रुंसारि जाबाय



गोदान दिल्ली, 19 जुन : डिपिआइआइटिनि नेहाथारि डा. गुरुप्रसाद महापात्राआ रुंसारि जाबाय। फालांगि एबा उद्यग मावख'नि मन्थि पीयुष गयेलआ बे खोरांखो मिथि होयो। गुरुप्रसाद महापात्राया एयारपर्ट अथ'रि टिनि आफादगिरिबो जाखांबायमोन।

2019 नि आगस्टआव बियो उद्यगफोरनि प्रमशन एन्ड इन्टरनेल ट्रेड बिफाननि नेहाथारि थिसनजादोंमोन। बिनि रुंसारि जानायखो गाहाय मन्थि मदिआ दुखु मोन्नाय फोरमायदों। मदिआ बुंदों, गाव महापात्रजो गुजरात आरो मिरुआव गोबां खामानि मावदोंमोन। बिनाव खुंथायनि

आयदाफोरनि मोजो रोंग'थि दंमोन आरो बियो गावनि गोदान थुलुंगाखानायनि थाखाय मिथि जायोमोन। मिरुनि मन्थि पीयुष गयेलआबो गुरु प्रसादनि रुंसारि जानायव दुखु मोन्नाय फोरमायो। बियो बुडोदि गुरुप्रसाद महापात्रा नि रुंसारि जानायनि खोरां खोनानानै गाव जोबोद दुखु मोन्दों। महापात्रा नि नख'रनि फार्से गावनि दुखु मोन्नाय आरो अन्नायखो बावहरो। मख'जाथावदि, गुरुप्रसाद महापात्राया 1986 बेचनि गुजरात केडारनि आइएस अफिसारमोन। बियो फालांगि मावख'आव जस्ट नेहाथारि बिबानाव हाबा मावदोंमोन जेराव बियो स्पेशेल इक'नमिक जननि प्रमसननि थाखाय गोबां हाबा मावदोंमोन।

बिरुधुनगर बमा-फटखा कारखाना बेरफुनायनि केसखो नायबिजिरनो एनजिटिया बिथोन होदों

गोदान दिल्ली, 19 जुन : नेसनेल ग्रीन ट्रिब्युनेल आ तामिलनाडुआव बमा फटखा कारखानानि जाबबथायनि जेनाफोरखो लानानै फालांगि आरो आबहावा जेनाफोर सोमोन्दै नायबिजिरनो बिबानगिरिफोरखो बिथोन होदों। नेसनेल ग्रीन ट्रिब्युनेल (एनजिटि) नि डाइरेक्टर न्यायमूर्ति आदर्श कुमार गयेलनि दैदेन्याय पीठआ बुंदोंदि, बे बायदि नायबिजिरनाया तामिलनाडु राइज्यो आबहावा गुबुंले सामलायग्रा बर्ड आरो मिरु आबहावा सामलायग्रा बर्ड (सिपिसिबि) नि दैदेन्यायव टेक्नलजी रैखाथि बिथोनगिरिनि गेजेरजो थाम दाननि गेजेरावनो जानांगोन आरो उननि नायबिजिरनायनि थाखाय तामिलनाडुनि गाहाय



नेहाथारिनो रिपर्ट गथायनांगोन। बेनि थाखाय समितिआ गुबुन जर'खा सुबुंनि हेफाजाब लानो हागोन। मख'जाथावदि बिरुधुनगर बमा-फटका कारखानायाव बेरफु नाय जाथायनि गाहाय जाहोनाखो संदानो ख'हा जानायनि बिबां आरो गोनांथार जानाय

सुस्रानाय राहाफोरखो संदानो थाखाय सा 8 सोद्रोमानि

समितिनि थिसन्याय मोनसे रिपर्ट खो नायबिजिरनो थाखाय एन जिटिया बे बिथोनखो होयो। एनजिटिया बुंदोंदि, बे केसखो गोजो थाखोआव नायबिजिरनायनि गोनांथि दं, जाहाथे बेखो लानानै सिगांनि नायबिजिरनायखो खालामोनो हायो। मख'जाथावदि, बिरुधुनगर बमा फटका कारखानानि बेरफु नाय जाथायव सा 19 जिउ ख'हा जादोंमोन आरो सा 30 जोखोम जादोंमोन।

समितिनि थिसन्याय मोनसे रिपर्ट खो नायबिजिरनो थाखाय एन जिटिया बे बिथोनखो होयो। एनजिटिया बुंदोंदि, बे केसखो गोजो थाखोआव नायबिजिरनायनि गोनांथि दं, जाहाथे बेखो लानानै सिगांनि नायबिजिरनायखो खालामोनो हायो। मख'जाथावदि, बिरुधुनगर बमा फटका कारखानानि बेरफु नाय जाथायव सा 19 जिउ ख'हा जादोंमोन आरो सा 30 जोखोम जादोंमोन।

नेपालआव हा-गिसिखानाय आरो दै बानायाव सा 16 सुबुंफोरनि जिउ ख'हा, सा 22 गोमानानै दड

काठमान्डु, 19 जुन: नेपालआव मौसुमी बोथोरनि जाहोनाव रबिबार खालिनिफ्रायनो लांथिथै अखा हाबाय थानायनि जाहोनाव बेयाव दैबाना आरो हा गिसिखानाय बायदि जाथायफोर दासिमाव सा 16 सुबुंफोरनि जिउखो फोजोबबाय। बेर फार्से, सा 22 सुबुंफोर दासिमबो गोमानानै दड। थैनायफोरनि गेजेराव साथामआ गुबुन हादतनि नोगोरारिफोरमोन। हादतनि नख'र बिफाननि फारसेनिफ्राय खोरां होनाय बादिब्ला, खावसे दर्जननिखुडु बांसिन जिल्लाफोरव मौसुमी बोथोरनि अखानि जाहोनाव थासारिया गात्रियै जादों। दासिमाव सम्पतीफोर ख'हा जानायनि सोमोन्दै जेबो रिपर्ट मोनाखे होन्ना बिफानआ फोरमायदों। आथिखालाव सरकार रेहाय आरो रैखा खालामनाय हाबाफारिनि सायाव नोजोर होगासिनो दड। लोगोसे गोहोम गोलैनाय ओन्सोलफोराव रेहायनि मुवा बेसादफोर दैथाय हरगासिनो दड।



जुमला, दैलेख, बाजुरा आरो बाझं जिल्लाफोरव दैबाना आरो हा गिसिखानायनि जाहोनाव

थासारिया गोब्राव जायो। बे हादतआव बोसोरफोरमबो मौसुमी बोथोरनि समाव हा

गिसिखानाय आरो दै बानायाव सुबुंफोरनि जिउफोर सिलिंखार जायो। बिफानआ फोरमायबावदोंदि, थांनय रबिबारनिफ्राय जागायनाय अखानि जाहोनाव हादतनाडै दै बाना आरो हा गिसिखानायनि जाथायफोरजो दासिमाव सा 16 सुबुंफोर थैबाय आरो सा 11 सुबुंफोर जोखोम जायो। बेनि अनगायैबो सा 22 सुबुंफोर दासिमबो गोमानानै दड।

बिफाननि बुंथिगिरि जनकराज दहलआ ए एन आइनो फोरमायनाय बायदिब्ला, सिन्धुपालचक आरो मनं जिल्लाफोराव गोबां ख'हा जानायनि रिपर्ट मोनो। नेपाल बोथोर बिफाननि बायदिब्ला नेपालाव 1 जुननिफ्राय मौसुमी बोथोर फैयो आरो बेयो गसै 3 दानसिम थागोन।

हादतआव करना भाइरासनि 2,86,78,390 बेरामिया मोजो जाबाय। थांनय 24 घन्टायाव सा 97,743 आ करनानिफ्राय रिक्भारि जायो। हादतआव रिक्भारिनि हाआ बांनानै 96.16 जोखोन्दो जाहैबाय। करना टेस्ट



हादतआव करना भाइरासनि 2,86,78,390 बेरामिया मोजो जाबाय। थांनय 24 घन्टायाव सा 97,743 आ करनानिफ्राय रिक्भारि जायो। हादतआव रिक्भारिनि हाआ बांनानै 96.16 जोखोन्दो जाहैबाय। करना टेस्ट

नायनायनि बाथा बुडोब्ला शुक्रबारव 19.02 लाख करना टेस्ट नायनाय जायो। बेजो लोगोसे 38.92 कौटि सेम्पल टेस्ट नायनाय जायो। बे खोरांखो आइसि एमआरआ मिथिहोदों।

भारतआ म्यानमारनि सायाव इउएनजिएनि थांखि लानायनि सायाव भट होनायनिफ्राय जानगाराव थादों

निउयर्क, 19 जुन : म्यानमारनि सायाव इउएन महासभानि थांखि लानायनि सायाव इउएनआव भारतनि थान्दै टिएस तिरुमूर्तिया बिबुंथि होदों। भारतआ म्यानमारनि सायाव इउएन महासभानि थांखि लानायनि सायाव भट होनायनिफ्राय जानगाराव थादों। भारतआ बुंदों, थांखि लानाया गनाय थावजायै बादि आरो बे केसआव जेनाखो गोजोनयै सुस्रानो थाखाय हारिमायारि फोलेरआ नाजादों आरो बेनि थाखाय न'सु हादत जानायनि जाहोनाव थि नोजोर होनाया गोनांथार। बे थांखि लानाया दर 119



हादतफोरनि हेफाजाब होनायखो मोनो हादों जेराव बेलासुस बेखो हेंथा होदों। भारतजो लोगोसे दर 34 हादतफोराबो भटखो होयाखे। इउएनआव भारतनि थान्दैआ बुंदों म्यानमारआव सुबुंतन्त्र हाबाफारिखो

सोलिहोनायखो लानानै भारतनिफ्राय नाजानाया सोलिबाय थागोन आरो बेवहायनि नोगोरारिफोरनि आसा खालामनाय आरो सम्मानखो मोनहोनो नाजागोन। बियो बुंवावदोंदि, रखाइन राइज्योनिफ्राय

होखार जानाय रहिंग्या हारिखो दोनहैफिन्या केसखो सुस्रानायखो लानानैबो भारतआ नाजादों। मख'नो गोनांदि, इउएनजिएआ म्यानमारनि सायाव मोनसे थांखि लानायखो पास खालामदों, जेराव बुंदोंमोनदि 8 नभेम्बर 2020 नि सरासन्ना बिसायख'थिनि फिथायनि गेजेरजो सुबुंफोरनि गोसोखो म्यानमारनि सान्थि हान्जाया सम्मान खालाम नांगो, जाहाथे हादतआ इमार्जेन्सि थासारिया जोबहैयो आरो सुबुंफोरा सुबुंमोथायनि सम्मानखो मोनो हायो।

टिएमसिआव बिजेपिनि सा 300 मावसुमाफोरा हाबफैफिनदों

गोदान दिल्ली, 19 जुन : सोनाब बंगआव बिधान सभा बिसायख'थि सिगां ममतानि टिएमसियाव गोबां दावराव-दावसि जादोंमोन। आथिखालाव उल्टायै बिजेपिनाव बेबादिया जादों। सोनाब बंगआव ममता बेनार्जीनि फिन सरकार जानाय लोगो लोगोनो टिएमसि नागारनानै बिजेपिआव हाबहैनाय दैदेनगिरिफोर आरो मावसुमाफोरा टिएमसिआव फैफिननाय जागायजेनबाय। मुकुल रायआ टिएमसिआव फैफिननायनि उनाव माखासे



दैदेनगिरिफोरजो लोगोसे ग्राउन्ड लेबेलनि बिजेपि मावसुमायाबो टिएमसियाव फैफिनबाय। सोनाब बंगनि बीरभूम जिल्लायाव लोगोसेयै सा 300 बिजेपि मावसुमाफोरा टिएमसियाव हाबफैदों आरो

बिसोरखो गंगा दै सारनानै गोथार खालामनाय जादों। टिएमसिआ हाबफैयैनि सिगां बिसोर उखैहाब सोमावसारदोंमोन, जाय फुंनि 8.00 रिंगानिफ्राय 11.00 रिंगानि सोलिलों।

निजिलेन्ड आ दासिमबो प्लेइं 11 खौ थि खालामनो हायाखै, टीम इन्डिया थासारि हिसाबै सोलाय सोल' खालामनो हागौ

गोदान दिल्ली, 19 जुन : भारत आरु निजिलेन्डनि गेजेराव वर्ल्ड टेस्ट सेम्पियनसिप फाइनालनि गिबि सानाव अखा हानायनि जाहोनाव मेचखौ गेलेनो मोनाखै। भारतीय केप्टेइन बिराट कहलीआ गावनि प्लेइं-11 खौ फोसावखाबायमोन। सुनिल गाभस्कर आरु टीमनि फिल्डि कच आरु श्रीधरजों लोगोसे माखासे मुंदांखा सुबुंफोरनि बादिब्ला कहलीया टसनि सिगां बेवहाय सोलाय सोल' खालामनो हागौ। नाथाय निजिलेन्डनि केप्टेन केन डइलियमससनआ गावनि प्लेइं-11 खौ थि खालामनो हायाखै। बे बाध्राखौ क्रिबि टीमनि अपेनार टम लाथमयाबो बुंदोंदि बियो बुंदों, गावसोर फाइनाल इलेभेनखौ थि



खालामनो हायाखै। गावसोर फिन उइकेट (पिच) खौ नायबिजिनो खाबु नागिरदों। गावहा फोथायनाय दंदि, उइलियमससन आरु टीमआ बेखौ लानानै फुरा स्टाडी खालामखाबाय। केप्टेन बिराट कहलीनि टीमआ दा एजिस

बाडल फोथाराव सा 2 स्पिनर्स आरु सा 3 पेसार खौ गेलेहोगोन। अश्विन आरु जाडेजा स्पिन डिपार्टमेन्टखौ सामलायगोन। जसप्रीद बुमराह, महम्मद शामी आरु इशान्त शर्मानि सायाव पेस बलिनि विबानखौ

सामलायगोन। रहित शर्मा आरु शुभमन गिलआ अपेनि खालामगोन। मिडिल अर्डरआ केप्टेन कहलीनि अनगायै चेतेश्वर पुजारा, अजिंक्य रहाने आरु उइकेटकि पार बेटिं आव ऋषभपन्तआ थागोन।

कपा आमेरिकानि फुटबल टुर्नामेन्टआव पेरुखौ 4-0 जों फेजेन्नानै ब्राजिलआ गिबि थाखोआव थादों

साउपाउल, 19 जुन : गावनि खावसे टीमखौ सोलायनानै ब्राजिलआ गोखोडे गेलेनानै कपा आमेरिका फुटबलनि मेचआव पेरुखौ 4-0 गलावं फेजेन्दी। बेयो दैदेनग्रा टीमनि 9 थि देरहानायमोन, जायजों बियो गावखौनो टुर्नामेन्टनि गोखों दाबि दैखोग्रा फोरमोन खालमदों। डिफेन्डार एलेक्स सेन्ड्र, नेइमार, मिडफिल्डार एवर्टर रिबेडर आरु स्ट्राइकार रिचर्लिसनआ 1-1 गल सोदों। बे देरहानायनि उनाव ब्राजिल गुप बि आव 6 पइन्ट लानै गिबि सारियाव थानो हादों, जेराव कलम्बियाआ बेनिफ्राय 2 पइन्ट उन जानाई दं, कच टिटेनि बादिब्ला ब्राजिलआ बे टुर्नामेन्टखौ फैनो गोनां बोसोराव कातारआव जानो गोनां वर्ल्ड कापनि थियारि खालामनाय साननानै लादों। बे मेचआव बै गेलेगिरिफोरनो जायगा होनाय जादों, जाय भेनेजुएलनि हेंथायै गिबिआव मेचखौ गेलेयाखैमोन। ब्राजिलआ बे मेचआव 3-0 जों देरहादोंमोन। ब्राजिलआ टिटेनि कच जानायाव 42 मेचफोरखौ देरहादों 10 मेचफोरखौ इ गेलेदों आरु 4 मेचफोराव जेन्नादों। नेइमारआ गावनि केरियारआ पेले



बादि ब्राजिलनि थामथि वर्ल्ड कापखौ देरहायाखै, नाथाय बियो ब्राजिलनि हारिमायारि टीमनि थाखाय गोबां गल सोनानै गिबि थाखोआव थानो हादों। पेलेनाव ब्राजिलनि थाखाय 77 हारिमायारि गल सोनायनि मुं दं। गला सोनो हागोन होन्नानै जेराव नेइमारआ दासिमाव 68 गलखौ सोखांबाय। पेलेनि रेकर्डनि खाथिसिम

सौहैनायाव नेइमारआ बुंदों, ब्राजिलनि जारिमिननि बाहागो जानाया मोनसे गिदिर सम्मान। गावनि सिमाडा ब्राजिलनि थाखाय गेलेनायमोन आरु बे जासीखौ गानायमोन। गाव बेसेबां गला सोनो हागोन होन्नानै सानाखैमोन। ब्राजिलनि थाखाय गेलेनानै आं गोजोन्नाय मोनदों।

कपा आमेरिका टुर्नामेन्टआव करना इनफेक्सननि केसआ बांनानै 82 जाहैबाय

ब्राजिल, 19 जुन : ब्राजिलनि देहा मावख'आ फोरमायदोंदि, कपा आमेरिका फुटबलजों सोमोन्दो थानाय करना इनफेक्सननि केसआ बांनानै 82 जाहैबाय जेराव गासै 6926 टेस्ट खालामनाय जादों। इनफेक्सन जानाय गेलेगिरिफोर गासै अन्जिमायाव 37। मावसुमाफोरनाव 45 करनानि केसखौ मोन्नाय जादों। मेचखौ दैदेनग्रा दरब्रै सहरफोर रिय डि जिनेरिय, ब्रासीलिया, कुइबाआ आरु जइआनियाआव करनानि

गोबां केसखौ मोन्नाय जादों। ब्राजिलआव करनानि 5 लाख सुबुंफोर रंसारि जाखांबाय आरु बे केसयाव बेयो मुलुगाव नैथि नम्बराव दं, पजिटिभ मोन्नाय बांसिन मावसुमाफोरा। ब्रासीलियाव दंमोन, जेराव ब्राजिलआ गिबि मेचआ भेनेजुएलाखौ 3-0 जों फेजेन्दी। भेनेजुएलआ करना इनफेक्सननि दर्जन केस मोन्नायनि उनाव गुबुन टीमखौ मेच गेलेहोदोंमोन। बेनि आनगायै रिय डि

जिनेरियआवबो करनानि केस मोन्नाय जादों, जेराव आर्जेन्टिनाआ चिलीजों 1-1 इ गेलेदों। माखासे केसखौ जइआनियाआव मोन्नाय जादों जेराव पराग्वेआ बलिभियाखौ 3-1 फेजेन्दी। बलिभिया फुटबल संघआ गावनि सा 2 गेलेगिरिफोरखौ पजिटिभ मोन्नायखौ मिबथि होदों। चिलीनि टीमआबो बुंदों सासे सोद्रोमाखौ पजिटिभ मोन्नाय जादों। नाथाय विनाव करनानि लोक्षोन गैया।

टकिय अलिम्पिकनि थाखाय सायख' जानाय बक्सार टीमआ इटालीयाव ट्रेनिंगानो मोनगोन

रहतक, 19 जुन : टकिय अलिम्पिकआव मोजाडेगेलेनानै हादतनि थाखाय मेडेल देरहानो हायो, बेनि थाखाय गेलेगिरिफोरा सान हर मोजाडे हुदा खालामदों। स्पोर्ट अथ रिटि अफ इन्डिया (आइ) आ भारतीय बक्सिं टीमखौ ट्रेनिंगि थाखाय इटालीनि असिसिआव दैथाय हरनो थांखि लादों। आथिखालाव आइजो आरु हौवा टीमआ 8 जुलाइसिम इटालीआव ट्रेनिंगि लागोन। इन्टारनेसनल बक्सिं फेडरैसनआ 10-10



हादतफोरखौ आलादा आलादा जायगाफोराव ट्रेनिंगि लाहोनो

गेलेमु मावख'आ माहारियारि बान्थानि आर'जलाइ गथायनायनि सम सिमाराखौ फोलावबाय

गोदान दिल्ली, 19 जुन: गेलेमु मावख'आ सोलिनाय बोसोरनि माहारियारि गेलेमु बान्थानि थाखाय आर'जलाइ गथायनायनि सम सिमाराखौ शुकुरबारखालि से सप्ताहनि थाखाय बारायना होबाय, जायनि आर'जलाइ गथायनाया अनलाइननि जोहैफैनो गोनां 28 जुनसिम सोलिना फेसिमोन। बिनि सिगां आर'जलाइ गथायनायनि जोबथा अक्टखौ 21 जुनसिम थि खालामना होनाय जादोंमोन। भारत सरकारनि गाहाय सेक्रेटारि सुदर्शन गरलापतिनि बादिब्ला, बान्थानि थाखाय आर'जलाइ गथायनायनि जोबथा अक्ट 21 जुन 2021 निफ्राय फोलावना फैनो गोनां 28 जुन 2021 सिम आर'जलाइ गथायनायनि थाखाय थांखि लानाय जाबाय। गेलेमु मावख'आ 20 मेखालि माहारियारि गेलेमु बान्थानि थाखाय आर'जलाइ

थाखाय गथायनायनि थाखाय खवलायदोंमोन। जायनि गेजेरजों एथलीटफोर, कचफोर, मुलुग सोलौंसालिफोर आरु गुबुन गुबुन फसंथानफोरखौ गावयारि मुंलाइ थिसनो आरु कभिड-19 इनफेक्सननि जाउनाव नैथि बोसोराव बिनि थाखाय अनलाइन आरज'लाइनि दाबि दैखोंदोंमोन। बिनि सिगां 2019 सिमाव आर'ज गावगिरिफोर आर'जलाइ गथायनो सोरनिबा मदत लानांगोमोन। थानाय बोसोराव अनलाइन फोर्बोनि गेजेरजों सा 74 मोनगिरिफोर बान्था आजावदोंमोन। बेसमाव बान्थाजों लोगोसे राडरि बेसेनाव गोबां बारायनायजों खेल रत्न बान्था मोनगिरिफोरनो 25 लाख रं, अर्जुन बान्था मोनगिरिफोरनो 15 लाख रं, द्रणाचार्य मोनगिरिफोरनो 15 लाख रं आरु ध्यानचन्द्र बान्था देरहागिरिफोरनो 10 लाख बान्था महरै रं होदोंमोन।

थाखाय दैथाय हरदों। जाहाथे टकियआव मोजां बादाय लायनायखौ नुनो मोनो। भारतीय बक्सारफोरा बेवहाय 3-4 हादतफोरनि बक्सारफोरजों लागोसे हुदा खालामनो खाबु मोनगोन। बेजों बिसोरो मोजाडे मेच गेलेनानै दिन्थिफुंनो हागोन। टहतकनि अमित पंघालआबो बे हान्जाआव दंफा देरो जाय 52 कि:ग्रा: लिरथाय

दैखानाय थाखोआव मुलुगनि नम्बर 1 बक्सार। साइनिफ्राय सा 33 सोद्रोमाफोर थानाय दोलोखौ इटालीआव दैथाय हरनो थाखाय फलाइटनि टिकेटखौ बुकिं खालामनाय जाबाय। बे दोलोआव सा 14 हौवाफोर आरु सा 10 आइजो गेलेगिरिफोरनि अनगायै कच, फिजिय, फाहामगिरि आरु गुबुन गुबुन सुबुंफोरा दंफा देरो।

टकिय अलिम्पिकआव फिरफिला बिरहोनायानो आनि गाहाय थांखि: सिमरनजीत कौर

गोदान दिल्ली, 19 जुन: 25 बोसोर बैसोनि आरु 5.5 फुट जौथाइनि बक्सिं गेलेगिरि, पान्जाबनि थागिबि सिमरनजीतआ गावनि रंगौथिजों टकिय अलिम्पिकनि थाखाय क्वालीफाइ जानो हानाय गेलेगिरि। नख'रनि रंखाथियारि लोरबां थासारिनि गेजेरावबो 14 बोसोर बैसोयानो बक्सिं

लादोंमोन। बिथाड बुंदों, टकिय अलिम्पिकनि टिकेट मोनबाय जेब्ला गाव-गावनि सिमांखौ मोखथाडाव जाफु'होगोन। अलिम्पिक फोथाराव सफैनायनि सिगां मोनसेल' थांखि दड। बेनो जादों हादतनि थाखाय गल्ड मेडेल देरहानानै अलिम्पिकआव भारतनि फिरफिलाखौ बिरहोनाय। सिगां फासे बिथाड बुंदों जेब्ला



गेलेनाय फोथाराव ओंखारनाय सिमरनजीतआ थानाय 11 नाजानायनि गेजेरजों टकिय अलिम्पिकनि टिकेट आवग्रिनो हायो। गावनि टकिय अलिम्पिकनि थाखाय थियारिनि सोमोन्दे कौरआ भुपेन्द्र सिंजों गोथौवै सावरयलायदों। बिथाड बुंदोंदि, जेब्ला आं 14 बोसोराव बक्सिं गेलेनायखौ जागायदोंमोन अब्ला अलिम्पिकनि फासे माव्वाबाबो सानाखैमोन। देरहासार जाबोनायनि उनावसो अलिम्पिकनि मेडेलनि थाखाय गोसो गोर्बोयाव मिर्जिं

माहारियारि सं मेथाइ रिखांगोन अब्ला बै साना आनि थाखाय खुसिसिन सान जागोन। आथिखालाव पुणे सेन्टाराव इटालीनि कच रैफाएले बर्गामास्कनि अनगायैबो केम्पनि गुबुन कचफोरनि नोजोर होनायाव सिमरनजीत कौरनि हुदा खालामनाया गोखोडे सोलिगासिनो दं। सानप्रेमबो 5-6 घन्टा नेमखाथि बादिदै हुदा खालामगासिनो दं आरु अलिम्पिकआव थानायनि सिगां 20 साननि थाखाय बिथाड इटलीयाव ट्रेनिंगि लागोन। अलिम्पिकआव 60 कि:ग्रा: लाइट वेट केटेगिआव बिथाड बादायगोन।

डेब्यु टेस्टआव शेफाली बर्माआ सुनिल गावस्करनि रेकर्डजों समान रान बानायदों

गोदान दिल्ली, 19 जुन : भारतीय आइजो टीमनि अपेनार शेफाली बर्माआ गावनि डेब्यु टेस्ट मेचखौ गोसोखांथाव बानायदों। इलेन्ड टीमनि हेंथाया 17 बोसोरनि बे लाइमोन गेलेगिरिआ गोखों बेटिं खालामनानै मोन्नेबो बादायलायनायाव 50 रान बानायनो हादों गिबि बादायलायनायाव 100 रं खालामनो थाखाय 4 रान नांवावगोमोन। शेफालीआ नैथि बादायलायनायाव मोजाडे गेलेनानै हाफ सेन्सुरि खालामनो हादों। इलेन्डनि हेंथायै गिबि टेस्ट मेचआव गेलेनाय शेफालीआ मोजाडे



बेटिं खालामनानै बयनिबो गोसोखौ गोजोनफ्राय होनो हादों। वान्दे आरु टी-20 आव गोखोडे बेटिं खालामनानै बयनिबो सायाव गोहोम खोग्लैनो हानाय बे बेटिं खालामग्राआ टेस्टयावबो

गोखोडे गेलेदों। गिबि मेचनि बादायलायनायाव इलेन्डनि हेंथायै बियो 96 रान बानायनो हादों। 153 बलयाव 13 खेब 4 रान आरु 2 खेब 6 रान खालामनायनि मदतजों बियो बै रानखौ बानायनो हादों। थामथि

सानाव बियो 68 बलनि सायाव 11 खेब 4 राननि मदतजों 55 रान बानायदोंमोन। गावनि डेब्यु टेस्ट मेचनि खन्ने बादाय लायनायाव हाफ सेन्सुरि बानायनाय शेफालीआ गिबि आइजो आरु नैथि भारतीय अपेनार जादों। बेनि सिगां भारतनि बारा' मुंदांखा सुनिल गाभस्करआ डेब्यु टेस्टयाव खन्ने बादायलायनायाव हाफ सेन्सुरि बानायनायाव जाफुंसारनो हादोंमोन। आथिखालाव शेफालीआबो टेस्टयाव डेब्यु खामानानै खन्ने बादायलायनायाव 50 राननिफ्राय बांसिन रान बानायनो हादों।

नीरज चपड़ा आरु बिनेश फगाटनो हुदा खालामनायनि थाखाय साइआ गनायथि होदों

गोदान दिल्ली, 19 जुन: जेब्लिं खुबैग्रा गेलेगिरि नीरज चपड़ा आरु खमलायगिरि बिनेश फगाटआ टकिय अलिम्पिकसिम दावबायनायनि सिगां 25 जुलाइसिम इउरपनि सिडाव थानाय गावनि जायगाफोराव हुदा खालामनाया सोलिबाय थागोन। बिनि सोमोन्दे साइआ शुकुरबारखालि फोरमायदों। 23 बोसोरनि चपड़ाया बावैसो समाव हारिमायारि बादायनाय थाखोयाव देरहानायजों फेफिनो हायो। बिथाड इउरपनि फ्रेक्टिस खाम क मफिउटेसन टावारनि

लिस्बनआव 83.16 मिटार जन्थायसिम खुबैनो हानायजों गिबि जायगा आवग्रिनो हायो। 26 बोसोरनि फगाटआ पलेन्ड अपेनाव गल्ड मेडेल देरहानो हानायजों गावनि अलिम्पिकनि थाखाय थियारि जानाय रंगौथिखौ दिन्थिफुंनो हायो। साइनि बायदिब्ला पुटुगालआव थानाय 6 जुननिफ्रायनो थाबोनाय नीरज चपड़ाणि सुइडेननि उप्सालायाव बिथानि कच ड० क्लाउस बार्टनिप्टस आरु फिजिय थेरैपिस्टजों लोगोसे 21 जुननिफ्राय ट्रेनिं खालामगोननि थाखाय 34.87



लाख रं खरसा खालामनो थाखाय गनायथि होदों। बिनेश फगाटआ एप्रिल दाननिफ्रायनो इउरपआव दं आरु बिथांखौ टकिय अलिम्पिक दावबायनायनि सिगां-सिगां हुदा खालामनो गनायथि होबाय। थांखि लानायाव इस्टीनयानि टेलिनाव 10 साननि हुदा खालामनायनि उनाव हंगरीनि बुदाफेस्टआव 16 सान हुदा खालामगोना दंफादेरो। हुदा खालामनायाव मदतनि थाखाय कच बलर एक्स आरु फिजियथेरैपिस्ट पुर्णिमा रमन नगमन्दिरा बिथांजों थाफादेरोन।